


福建通志

卷四十六

內閣文庫	
番號	漢 3969
冊數	692 (252)
函號	291 97

內閣文庫			
架	冊	號	類
三九	六九	二九	漢書
函	一	二	
(二五二九)			



福建通志卷之四十六

人物三

泉州府

唐歐陽詹


晉江人少時每見河山形勝常執一編隨人而問或有契心移日自得會常袞為閩觀察使特推拔詹陸贄知貢舉詹與韓愈李觀李絳崔羣諸人聯第人號為龍虎榜授四門助教時韓愈為徐州從事詹率其徒伏闕下舉愈為博士未幾卒有文集十卷

歐陽柅

詹從子工文詞開成進士吳人陸洿以拾遺棄官後召司勳郎中無所建明柅遺書讓之人擬為諍臣論洿遂棄官還柅名益聞會劉從諫表柅在幕府因劉禎拒命指斥時政或言柅所為流崖州人皆憐之

許稷

少與陳舍人詡語詡輕之稷入終南山力學三年出就府薦成進士歷官終衡州刺史稷工詩



歌與歐陽詹林藻友善嘗為江南春詞甚綺麗人傳頌之

盛均

未春人大中進士舍人皇甫煥辯博自雄每與賓客及門廣引發難多不終席惟均酬答如響時謂勅敵嘗病白氏六帖疎略廣為盛氏十二帖囊括經史貫穿百家頗資時好仕終昭州刺史

黃華

南安人有文名郡牧烏重儒以女妻之築十里沙堤直抵其廬夾植刺桐間里榮之後就辟天德軍從事

宋曾會

晉江人端拱二年進士時與蜀人陳堯叟並有俊譽上覽二人文藻敏給釋褐並授光祿寺丞直史館祥符末由三司判官出為兩浙轉運使丁謂建錢塘捍江之役發卒萬餘傾蕩山谷中外無敢言者會奏列其狀有旨中罷凡出入四十五年歷典七郡子公度公亮公度祥符八年進士

曾公亮


少客京邸有客泣隣舍甚悲公亮問故客欲獻日適負官錢鬻女於商問其直日四十萬公亮如數與之主人擇日送女解纜已三日矣天聖間成進士知會稽縣改諸王府侍講獨獻所為

文拜集賢殿大學士公亮踐更久明習朝廷臺閣典籍首相韓琦每咨訪焉仁宗末年與琦定建儲之議神宗時累封魯國公拜河陽三城節度使先是慶卒叛既伏誅而餘黨未平長安聲言營卒怨望謀元夕結外兵為亂公亮張燈與賓佐驩會竟夕卒無他變子孝寬孝純裔孫怵慥懷從子孝廣孝蘊孝序從孫誕俱有聲

曾從龍

公亮四世從孫慶元五年進士第一累官起居舍人兼太子右諭德十二年參知政事疾

胡榘愴壬奏陳其罪榘嗾言者劾罷奉祠繼除湖南安撫使授資政殿大學士參知政事明年冬襄淮警報沓至以樞密使督視江淮荆襄軍馬以憂悒致疾卒贈少師從龍忠實有特操當史彌遠用事時絕不附之士論歸焉弟用虎累遷工部郎中以華文閣帥廣西李沂南安人以六經太元教授間里太宗真宗朝屢試不第歸閉戶著書起自伏羲甲寅迄太平興國已卯其間分別運統附以治亂興衰日帝王紀年通錄進呈授國子監丞致仕遷大理丞卒善存



秘府又有文集十卷
太元義訣五運圖

劉昌言

南安人陳洪進擢為功曹參軍掌成奏力勸
洪進歸宋太平興國八年舉進士第二人太

宗遣中使引登便殿曰卿復來應舉耶昌言曰陛
下以文明治天下臣遭千載之遇再獻薄技耳上
紀聖德詩五十韻太宗常謂昌言曰卿忠孝兩全
東南一奇士也累遷同知樞密院事尋罷出知襄
州後官至工部侍郎七世孫用行嘉定進士歷零
陵巴陵令俱有聲詩文典麗有北山漫遊十卷雜

稿二
十卷

錢熙

南安人博貫羣籍善屬文將署府職辭不就著
楚鴈賦以見志雍熙初舉進士以寇準薦試中

書遷殿中丞太宗奇之命直史館奉旨編類文
集至道間加右司諫自罷史館憤恚成疾卒

留正

從劾六世孫晉江人紹興十三年第進士擢起
居舍人尋以顯謨閣直學士四川制置孝宗拜

右丞相一日奏事上顧謂太子曰留正純誠可託
光宗受禪姜特立以隨龍恩擢知閣門正列其招

權預政狀乞斥逐孝宗聞之曰真宰相也李端友
以椒房親手詔除郎正繳還之姜特立除為浙東
副總管正奏言陛下聽邪人把定之說不顧是非
言路塞則萬幾壞非所以愛宗社乞歸田里不許
正後入都堂視事拜少傅封魯國公嘉王即位進
少保奏言陛下勉狗羣情以登大寶當示天下以
不得已之意實非頒爵之時韓侂胄浸謀預政數
詣都堂正使省吏諭之曰此非知閣日往來之地
侂胄怒尋落職又以次復原官致仕嘉泰元年進
封魏國公卒贈太師諡忠宣子泰端孫元剛俱有

才略

黃宗旦

惠安人禹錫孫少有神童稱禹錫命賦早春
詩有就中喜有龍門客躍出洪波止待雷之

句見者異之咸平元年進士第二人晚直史館以
刑部郎中出知襄州子堯允相繼知襄州時論爭

美焉

陳綱

同安人淳化三年進士為建州觀察推官故事
歲春夏率丁夫數萬採茶綱入奏請以北苑茶

供御餘皆賦民收其租入在民者官復定其直償之則民不困而國亦利詔如其請建州民德之

鄭裒

惠安人舉進士至都會詔罷携所為文徒步走涉秋而行裒曰裒有老母今詔下將及閩鄉人必以告吾母計程以待後至一日必貽母之憂元之

為裒泣而賦詩送之咸平元年登第未命卒或云裒田人

年登第未命卒或云裒田人

蘇紳

同安人天禧三年進士歷官大理丞上十議進直史閣為開封府推官因星變上疏極言時事

安化蠻寇宜州紳言今日之患由往者守將失計而國家姑息太過今宜扼其出路俾進無抄略之

獲然後盛兵搗巢諭以送款不出一年逆寇必就殄滅朝廷用其策蠻遂平又陳便宜八事進史館

脩撰改龍圖閣直學士出知揚州尋又改集賢脩撰知河陽徙河中未行卒

蘇緘

紳從弟寶元元年進士調陽武尉有劇賊李某州縣莫能擒緘訪得其處率衆入賊巢馳馬斬

之後知邕州交寇陷欽廉乘勢逼邕被圍四十二日城陷緘領傷卒猶馳騎戰愈厲而力不敵迺曰

吾義不死賊手亟還州治殺其家三十六人縱火自焚神宗聞緘死嗟悼至脯時方進膳嘆曰可惜

蘇緘近世忠義之臣罕見其比贈奉國軍節度使諡忠勇邕人祀之元祐中賜額懷忠

蘇頌

紳之子慶曆二年進士第皇祐五年召試館閣校勘同知太常禮院議立郭皇后神宗御殿事

曾公亮嘆服之遷集賢校理歷擢知制誥時王安石石用事落知制誥出知婺州方沂桐廬江水暴迅

舟橫欲覆母在舟中幾溺頌哀號祈顛舟忽有正母甫及岸舟乃覆人以爲純孝所感未幾知河陽

改知滄州元祐初遷至吏部尚書兼侍讀奏謂人主聰明不可偏有所嚮每進讀至弭兵息民必援

引古今以動人主既又請別製渾儀因命頌提舉又出知揚州徙河南辭不行告老徽宗立進太子

太保累爵趙郡公卒年八十二

陳從易

晉江人端拱二年進士召為秘書省著作佐郎遷監察御史召對便殿命賦瑞雪援筆立

就真宗嘉獎改直史館尋知廣州賜璽書褒美焉後仁宗擢知制誥飛白書清字賜之除龍圖閣直

學士卒所著有泉山集
中書制稿西清奏議

陳孝則 從易孫宣和三年進士通判潮州納苗賦令
民自槩量知英州代還奏罷涵口稅場人便
之除廣南東路提點刑獄有盜繫獄賂守獄者逸
去誣繫他船商以代孝則覆驗得其冤釋之關所
居室名曰清取仁宗飛白賜
其先人之義卒年八十二

林杞 南安人天聖五年進士歷知康雅淄泰四州在
泰州脩築海埭復良田數千頃淄州圭田歲入
之外例輸縑六百杞曰田植五穀絹何
從出耶却不受以光祿卿乞致仕歸

謝起宗 惠安人叔父文龍有才名起宗善評經史自
成一家嘗著野議十篇趙丞相鼎稱其才識
累試南宮卒人
稱曰菱溪先生

蘇隨 晉江人嘉祐二年進士任傳羅令棄官歸遂不
與俗接一夕夢遊異境覺而賦詩曰夢乘鸞鳳
到仙家侍女風流魏月華琥珀盞斟千歲酒琉璃
瓶種四時花金甌藏錄文刊王石壁題名篆點砂

一枕北窓初睡覺日移門外
柳陰斜後數年端坐而逝

劉驥 晉江人篤學好老氏書大略謂道德五千言未
嘗分章後人分上下卷以象兩儀之妙用八十
一章以象太陽之極數今復通而為一以論之名
曰老子通論仕至欽州守子敏求以刑部侍郎知
南劍州治
行尤著

柯述 字仲常南安人與弟述迪嘗贄文見蔡襄襄異
之未幾相繼登第述嘉祐四年進士初尉贛縣
獲劫盜皆重辟乃損贓以就次嘗移知襄邑盜悉
奔他境碎漳賑饑多惠政有異鵲二巢於廳事秩
滿歸鵲喧噪彷徨不忍去蘇軾為詩以記其異後
以左朝散大夫知福州從子知彰紹興進士由海
豐令判福州有善績

林知 晉江人隱居篤學築室靈源山之巔人鮮見之
熙寧間嘗詣闕上書論時政不報嘗脩惠安烟
浦埭人德
之為立祠



趙誠 晉江人天聖五年進士通判撫州郡有疑獄守

獲免者衆知歸州州有淫祠曰巴王歲除殺人以此

祭誠毀祠投像於江州東三十里有新灘前後溺

載不可計誠條奏利害結廬視役既成人號曰趙

江卽所廬祀焉入爲三司戶部判官出知明州卒

於官

林黃中 晉江人元豐八年進士調永豐尉儒有張生

者貧負租黃中密以俸代其輸張生未幾擢

第遷歸善令有院僧與豪民爭田各持券先後令

不能決黃中遣吏取架閣文字爲嘉祐年者審之

紙札與僧券同豪民

伏辜擢彭城令去

王公濟 晉江人年十八登元祐六年進士歷知瑞安

縣時方臘掠黃岩樂清欲遂窺閩中公濟召

邑豪及父老諭之棟丁壯得五千人賊悉衆來公

濟先募士繡大旗爲福建路槍杖手字賊望見以

爲援兵至大驚卽引退賊平公

濟代還以疾卒瑞安立廟祀之

黃冠 晉江人與兄允兌俱有才名鄉里爲之語曰清

源熿熿邑有三黃元祐六年第進士充棟華宅

諸王府教授判監嘗積俸資百金曰吾將買田歸

老一夕盜挾篋去人爲惋惜冠笑曰是亦羽化耳

不復問歸寄僧舍圖史左右無長物以詩酒

自娛與李邴往來酬唱爲多卒年八十七

呂諒卿 南安人父壽景祐進士歷守潮懷二州諒卿

與惠卿升卿爲兄弟元符中爲温州軍事推

官上書詆紹述新法之非崇寧元年編類元符章

疏姓名諒卿以邪等尤甚入黨籍追官勒停亳州

編管御書姦黨碑以賜惠卿惠卿自劾求罷詔錄

諒卿疏示之諒卿廢錮終身紹興二年贈宣教郎

官其家

陳研 晉江人乾道二年進士官臨汀土疏乞弛鹽禁

詔從之權貴欲引爲御史先諷之排擊故相研

日公義不可犯故相不可彈以忤

去研有經學詩書易禮皆有解

蘇伯材 晉江人紹聖四年進士知潮陽有富民殺其

從女懼而賄吏爲密懷黃金三十觔置伯材

福建通志 卷之四十六 人物

所具言求毋入狀伯材立械治之籍金於官擢知
韶州憲司吏誣執民為盜以倖賞因賂縣官梁格
使就獄殺之伯材廉其事疏
論格坐黥海島其廉正類此

傅惟肖

南安人紹聖四年進士知清江縣屬歲歉發
倉賑濟饑民赴糶攘奪之巡尉希賞欲以強
盜論惟肖笑曰迹則似矣顧未嘗結徒
操兵柰何加以重辟由是全活者衆

呂夏卿

晉江人幼時日誦數千言慶曆二年進士館
閣聯章薦仁宗時陳時務五事朝廷采其
策英宗時論西北二邊事宜辭極切初歐宋二人
典領唐史十七年書始成時同預選者皆遷徙不
常惟夏卿與范鎮自發凡訖於絕筆會議修仁宗
英宗正史朝論皆屬夏卿後以積勞致疾乞閒職
潁州卒子科嘗撰唐史音義六十本

張讀

安溪人知興化軍建炎初奉祠家居杜門卻掃
進呈詔副秘閣仕至建雄軍僉判
所交皆天下士與李方叔端叔為蘇黃門客蘇
轍作東坡墓銘獨以示讀讀曰斯文妙盡東坡平
生政恐仇人復藉此媒孽不若刮磨之為愈使東

坡無此銘萬世之下其不蜚聲騰實乎轍深然之
其卒也李邴以詩哭之有累日塵生甑經年肘見
語 矜之

徐光實

晉江人從兄瞻政和進士歷判廣州與秦檜
不合不得調光實登建炎三年第知海鹽縣
歲旦放獄囚歸省吏白恐亡去為累曰我以誠遣
彼必不偽應囚感激如期皆至徙連州一介不取
日已有以
娛吾親也

溫革

惠安人政和五年進士歷官秘書郎紹興初被
命使河南脩山陵歸奏以實語甚憤激上為泣
下忤秦檜意出守延平刊五嶽真形圖於
郡治復守臨漳甚得民譽終福建轉運使

吳達老

惠安人政和五年第進士丞建昌日朝廷更
法達老堅執不行朝廷覺而罷之
州有子七人先奏薦弟迪老速老其弟以兄多子
未霑命為辭達老日一官不足為吾弟榮聊以慰
母心耳母年八十餘三請
侍養後改知潮州卒於官

吳達老

州有子七人先奏薦弟迪老速老其弟以兄多子
未霑命為辭達老日一官不足為吾弟榮聊以慰
母心耳母年八十餘三請
侍養後改知潮州卒於官

吳達老

州有子七人先奏薦弟迪老速老其弟以兄多子
未霑命為辭達老日一官不足為吾弟榮聊以慰
母心耳母年八十餘三請
侍養後改知潮州卒於官

吳達老

州有子七人先奏薦弟迪老速老其弟以兄多子
未霑命為辭達老日一官不足為吾弟榮聊以慰
母心耳母年八十餘三請
侍養後改知潮州卒於官



黃駢 南安人 居父喪 芝產於靈堂前 其葉累百 宣和元年 進士 調崇安尉 有鄭主簿者 貧不妄取 卒於官 駢傾囊以賙其行人

皆義之終 南劍州通判

蘇欽 德化人 宣和中 第進士 除江西帥 屬贛卒 叛欽 為帥 漕畫策 平之 知巴州 舊例有脚乘三千緡

欽悉以代民輸賦 及移閩州 首陳利病六事 復却例錢 未幾 除利州路轉運判官 又條時政五事 上之 卒於成都

成都

林願壽 晉江人 事祖父母 父母以孝聞 祖母楊嘗苦肉若放 拭則不堪 痛楚 俟其熟 寢潛舐去 傅藥而愈 廬父墓 有芝產之 瑞事 繼母彌謹 繼母卒 廬墓 有白鵲數十 往來墓上 人以為孝感 博覽經史 尤喜作大字 郡守陸藻稱之曰 真博物君子也

趙必畢 太宗十世孫 補承務郎 益王即位 福州泉州 招撫使 蒲壽庚 叛與州司馬山真子謀 降元 必畢逃 竄龜村 真子遣兵 勒還 草降表 必畢持匕首 自刺 張世傑 回兵 圍城 壽庚盡殺 宗室 縛必畢

將斬之 錄曹叅軍 吳伯厚 計出之後 遂居泉之東 陵 日與漁樵 方外士 班荆 燕坐 不復問人間事 有 茹芝東 陵等集

丘崇 晉江人 工詩文 尤精天文 象數學 嘗侍父官 惠州 河源時 蘇軾謫於惠 崇從之遊 李邴亦嘗 與唱和有 遺稿六帙

楊世永 晉江人 紹興五年 以特奏名 為端溪尉 寇駱 科犯郡境 世永貫楮 鎧佩兩 亦跨羸馬 獨出 伍長呼其徒曰 汝輩不可負官人 咸相率以從 行 二舍許 遇賊 世永戰死 兵皆號哭 死戰 無生還者 詔褒其義 勇加承務郎 官其一子 後真德秀書義烈二字 表其墓

石賡 同安人 皇祐元年 進士 累遷大理寺 王安石奇 其文 薦之以議新法 不合 遷審官院 旋外 補歷 廣西 轉運判 官 從弟 亘

石亘 嘉祐八年 進士 累遷司農 熙寧中 淮浙江東 饑 從司農 卿張諤 賑濟 所過 盡發官庫 給散 又募

福建通志 卷之四十一 人物

福建通志 卷之四十一 人物

福建通志 卷之四十一 人物

福建通志 卷之四十一 人物

福建通志 卷之四十一 人物

福建通志 卷之四十一 人物

福建通志 卷之四十一 人物

福建通志 卷之四十一 人物

福建通志 卷之四十一 人物

福建通志 卷之四十一 人物

人收養遺棄小兒所全活百餘萬有司劾其不循常法與諤俱罷嘗編漢唐名臣奏議五十卷自為文集十卷

楊夢齡

世永子父死時年十四當辜以其父死當錄夢齡詣部乞改讓兄迄如其志後登紹興二十七年進士調瑞安丞攝縣事歲疫聚食病者千餘於僧寺捐俸資為藥粥日親察視悉賴活開復塞河數百里宰平陽屬河患捐俸錢五十萬首其事役成民為生祠秩滿當道交薦俄卒於旅舍邑人聞之罷市哭哀金入都扶護以歸

楊炳

世末孫少力學精左氏淳熙二年進士當道薦為國子監錄召試三館累遷左司諫論治賊吏當自大吏始又乞樽節宮中浮費嘗曰大臣不為私則小臣不敢干以私臺諫不為私而後可責人以私累遷權吏部尚書時邊釁寢開與鄧友龍異議遂丐外疏用兵之害開禧三年除寶謨閣直學士奉祠卒著有易說禮記解西掖類稿諫垣存稿號儵溪居士子寅翁嘉定進士應博學宏祠擢置

高等授宜黃令以薦召俄卒

吳岡

初以辭賦預貢不第取所業焚之曰是不足為乃潛心經學擢第教授峽邵二州二州僻陋人不知學岡治學舍以經學指授諸生後官夔陵卒州人廟祀焉自號耐寒翁有詩集六卷

許衍

同安人紹興二年以太學生伏闕上書言事士論躋之明年上舍登第嘗進本論二十篇言四民利害子伯詡以蔭入官知仙遊縣多惠政有便民錄數十條仕終通判福州

蔡茲

永春人以詞賦第紹興進士仕至南恩守秩滿歸築室東偏扁其堂曰長春日與賓朋觴咏其間紹興二年嘗為建州貢院考官謂人曰吾取中一事他日必非尋常人乃朱熹也

陳知柔

未春人紹興進士授台州判官郡獲海盜有被誣者獄久弗決知柔辨釋四十餘人授教建州漳州兩奉祠起知循州徙賀州知柔與秦檜子同榜檜當時軸前列十餘人俱以攀援致通顯

知柔獨不阿附以故齟齬雅好山水自天台至會稽耽其巖壑留二年罷賀州復留惠陽三年所著詩聲譜論語後傳詩話梅青傳古賦雜著

陳模 兄樸乾道進士歷左司郎官擢太常卿官至廣

行薦除國子正開禧初召試館職時議開邊模入對策參政李壁讀之嘆曰真館職也除秘書省正字校書郎通判鎮江府平鹽鈔法公私便之知梅州改汀州民以綵旗迎於界上有日帆迎鄞水新賢守知是梅陽舊使君次兄機長於詩尤以易學著稱子晉接紹定進士仕至宗正卿

陳景魏 知柔從孫以恩蔭歷監贛州會石城寇竊發

會餘黨悉平辟廣州新會丞改知朝陽縣縣歲輸丁銀郡守督拘錠頭錢盡械邑吏景魏曰吾寧以罪去決不阿奉貽害無窮守不能奪由提轄文思院改知惠州郡有疑獄久弗決景魏讞出之歲大饑上言民瘵未瘳減惠陽糶米三之一擢知潮州後知英德卒

陳一新 永春人少受學陳知柔登紹興元年進士授汀州慶元四年較藝漕闢發策以谷求攻

君而黨王氏劉蕢言直而有司不取為問同列請易之一新堅執不聽果激韓侂胄怒將以為罪侍臣力救得免累遷國子博士輪對深論權倖以劾免通判婺州知邵武軍卒於官

莊公岳 惠安人嘉祐進士歷秘書丞終吏部侍郎元祐初上疏極論時事璽書褒答有顧惟忠蓋深

所嘆嘉之語

王識 永春人博覽書傳尤精星曆嘗作渾天圖以驗天文盈縮又作渾天儀陳知柔為之刻碑題跋

一夕因觀星詞云一雨洗空閣象緯迫人清披襟臺上坐細看北斗在璇衡知是南宮列宿初出極星未遠龍角正分明河漢餘千里風露已三更坐未久書帙散酒壺傾涼生殿閣冷然邀我御風行擬欲乘槎一問津但得天孫領略安用訪君平莫笑儒生事造化掌中生

張元德 德化人長於易以六十四卦再重為易書繇彖大小象爻辭繫辭說卦雜卦皆其自作筮

法以土作地盤匏為天體中刻木八面畫八卦初

林杆 晉江人紹興十八年進士調歸善尉獲鹽盜十

吾為官幸赤子無知以為功恐哉初杆遊太學與

舍而館於學一日杆謂孝澤曰公宜他徙毋重困

我因出守貳已下書一束示之皆未啓緘孝澤止

啓手書予以薦贖翼日守持白金詣杆謝杆驚曰

何使君待我薄也守慙退始杆居里故人為舳屬

來訪見杆一室蕭然惟案上圖書數軸從容謂曰

仙居海濱豈無可委諭者杆曰此言何為至我遂

不復謁謝遷南恩州簽判卒於官

王獻臣 惠安人有詩號卧龍翁集陳執中嘗過其家

王獻 晉江人嘗撰孝經詳解一

柯宋英 始居南安徙晉江紹興進士知梅州以德行

王十朋贈以詩有不於一介將行李慨為孤甥

陳易 永春人從朱熹學熹嘗稱易及陳淳為學頗得

參酌古禮不用浮屠鄉間化

黃宙 晉江人乾道五年進士居鄉教授學者

黃克恭 南安人淳熙進士教授循州知寧德以最著

以徇辟知新州奏減丁米民德之累

徐浩 晉江人開禧元年特奏名第進士為汀州推官

事繼母孝母寢疾累年扶掖不離側中裙廁諭

皆自浣濯母

楊景隆 晉江人開禧進士博學強識講授生徒常數

百人著春秋漢唐通鑑史志解學者傳

之官終建寧
司法參軍

楊至

晉江人以文學名於時蔡元定奇之
以女妻焉所記有文公語錄二卷

劉鏡

惠安人厭科舉之習從朱熹
學主於涵養體察稱高第

蔡和

晉江人以親老不能從朱熹游乃勉陳易往受
業自以書從易請質居白石村號白石先生學
者爭歸講授先時郡士專經老泥章句自朱熹導
其源東易陳淳蔡和濬其流繇是關洛考亭之書

家誦人

習云

王雋

精敏絕人館陳淳於
家授字義行於世

江與權

惠安人與黃以翼從學蔡和
及陳淳為文古雅兩預鄉貢

黃巖孫

惠安人寶祐四年進士授仙溪尉一以義理
之學為政咸淳間知尤溪縣脩南溪書院建
四齋及講堂以樓學者復作夫子燕居堂初太極
通書西銘三書朱熹為之解巖孫刊於書院學者

便焉未幾守福州又

校刊西山讀書記

丘葵

同安人蚤有志朱熹學初從辛介甫繼從信州
吳平甫授春秋親炙呂大奎洪天錫之門最久
宋末科舉廢葵杜門勵學不求人知所著有易解
義書解詩口義春秋通義四書日講周禮補亡號
釣磯先生家海嶼中元時倭寇至其第他無所犯
惟取遺書以去門人呂椿晉江人有學行多著述

鄭思忱

安溪人嘉定三年鄉薦登第知南恩州浙東
參議以雷變上封事言宜去貪恤民節用蓄

力除監登
聞檢院卒

諸葛廷瑞

南安人紹興進士調龍溪剝改知崇安縣
以政績聞光宗嗣位首進司馬光仁明武
之說時潛邸舊僚有因干政黜外者廷瑞懼其復
入復援李絳吐突承瓘事以進詞意鯁切命兼權
吏部侍郎進起居郎疏言兩淮藩籬不固法禁不
嚴乞詔侍從臺諫於文武臣中各舉所知可為沿
邊監司郡守一二人者以待選用廷瑞列侍從僅
歲餘所上章奏皆見嘉納子直清官至奉直大夫

初判廣州
有惠聲

黃偉

字繼之紹興進士除太學錄遷國子監簿時孝

議偉奮筆草疏謂賢良求文武全才不宜立武科
事遂寢或請經義專尚註疏賦論策宜更其體復
下監學議偉議大略謂科舉之法不當變但時文
之弊不可不救孝宗深然之除大理丞力求外補
差知邵武軍陞辭賜對論選用大臣當如王素對
仁宗云宦官宮妾不識名者可充其選孝宗面加
褒諭歷官江西提學後居閑十年手不釋卷嘗與
朱熹講學自號竹坡居士子以寧以簡以大從子
以翼皆有名

王炳

南安人紹聖四年進士娶呂惠卿猶子避呂十

年不調後為沐陽令秩滿入都蔡京當國以不
往見左授海陵丞後附
京者皆謫炳獨全孫侃

王侃

歷官肇慶糾曹時倖丁未俘商人數百名以盜
分圖毀之侃持不可同僚以危言怵之侃曰吾

守職耳他非所憂也會帥親
鞫得實破械釋之子顯世

王顯世

以廕補興化錄事參軍有從官起家守泉州
與鄉民爭田顯世奪以與民一郡稱快嘗受
輸卻斛面不取同列為寄倉將更吏以數上顯世
不願給云歸當取之吏白一去便不可得笑曰吾
不可得子孫不可得耶真德秀目為德行之士顯
世博學有詩名大篇尤婉麗奇古有容安摘藁十
卷

李縝

父邴寓泉州因家晉江初仕福建漕幕不忍去
父母左右丁內外艱服除不復萌仕進意結廬

號萬如居士常日與其有求於世曷若無欲於已
與其為人所賤不若以賤自安遷通判福州請奉
祠歸有文集十卷弟綸提舉廣東常平伯氏
出守恩平酌於江濱弟兄相勵以清白傳家綸慷
慨言日倘負斯言有如此水遂投杯於江時江流
洶洶杯停不沒者久之觀者無不驚嘆民歌之日
石門之水清且清良吏一軟千古榮爭如李公投
杯盟江流洶湧杯停停至今刻石與吳隱之酌貪

泉詩
對峙

李訖

邠之孫也歷知袁州蓄米二萬石以備凶儉累遷大理卿脩斷獄例遂著為令權戶部侍郎乞正鄧友龍蘇師旦罪以示天下後知建寧蔡官道百二十里以避灘梗奉祠久之自號臞庵

梁克家

晉江人紹興末進士第一為秘書省正字時災異數見奏宜下詔求言遂條六事郊祀雷震復條六事上欣納焉拜端明殿學士在政府日與虞允文議不合力丐去上曰兵終不可用乎克家曰財用不足何以集事詰朝上面諭曰朕終夜思卿言至當尋拜右丞相張說入樞府謀中傷士大夫不附已者克家悉力調護善類賴之

傅自得

其先濟源人父察第進士官吏部員外郎抵韓城遇幹離不脇使拜不屈而死事聞贈徽猷閣待制賜諡忠肅自得隨母趙氏避地居泉為晉江人以父死國補官乾道間曾覲總管福建聞其名遣使招之辭不應所著有至樂齋文集三十卷

傅伯成

少從朱熹學隆興元年與兄伯壽同登第歷官大府寺丞進言呂祖儉不當以上書貶朱熹不當日以偽學除戶部侍郎左諫議大夫在職餘五十日而抗疏十三皆軍國大議或致史彌遠意欲使有所彈劾將引以共政伯成謝之曰吾豈傾人以為利者左遷寶謨閣待制知鎮江府以老請祠疾革猶手草遺奏所著有竹隱居士集三十卷奏議

黃學行

惠安人以進士教授全州嘗集歷代褒崇先聖故實冠服尊饗儀註為尊師始末上之詔頒太學及判建寧知循州贛寇據松梓山作亂與招捕使合兵破之年六十一卒有史說坦齋類稿

石起宗

先同安人徙晉江乾道進士除秘書省正字再遷權舍部郎官會當輪對上言君子小人與天下治亂安危之機又言德雖聖人所能躬脩治非聖人所能獨致願詔大臣盡公任責破徇私媮惰之習又奏乞取仁宗洪範政鑒與敬天圖列置座右嘉嘆久之命秘書省繕錄以進

曾植

晉江人太學上舍生孝宗登極對言用人之道不當以南北文武二其心又不當以腐儒之故

廢棄真儒尋出知南劍州陞辭奏言三事以漢恭顯唐訓注為戒上大悅知湖州未赴卒

曾賀孫

晉江人淳熙中由懷安簿薦知崇安縣下車首蠲合戶錢歲二百萬募舟濟溺歲餼煮粥

振救發義舍出賃朝廷遣使巡行民遮道言狀使者為上其勞竟以勤民得疾卒

黃甫

晉江人與弟旦敦友愛甫有疾旦刺股以療疾愈終不自言及旦疾甫燃臂叩天旦疾亦愈俱

淳熙八年武舉甫知吉陽軍旦官至武經郎知欽州子夔以蔭歷知七州所至有聲宜溪蠻偕卒為暴部刺史辟夔為守至郡殲其酋諸峒爭納款事聞遷三秩五嶺瘴惡仕者計日待遷夔往來三十年家人皆無恙

趙庚

晉江人淳熙八年進士嘉泰初相臣移書諸司將以學官處之時韓侂胄用事庚引疾力辭親

舊交勸不答後客五羊廖剛為帥尤加敬焉及卒貧甚門人黃以寧哀金葬之

林谷

先閩縣人家於泉淳熙十四年進士知上虞縣通判嚴州以薦召審察時權臣柄國有欲媚之

者屬谷輸金為壽谷嘆曰書生攻苦那有金奉人審察但餌我耳徑歸

莊夏

永春人家貧少孤從兄晦學登淳熙八年進士慶元六年大旱詔求言夏時知興國縣上封事

極言威福下移乃陰盛陽衰之象宜體陽剛之德疏入召為太常博士遷國子博士陳邊釁不可妄開議者難之又言今日之患莫大於兵冗乞下將帥令老弱自陳得以子若弟強壯相等者補入忤

柄國者意遂累疏乞間自號藻齋老人

薛舜俞

同安人紹興元年進士教授南劍州差江東常平幹官賑荒多所全活改知金華縣守督

宿逋峻甚舜俞引義力爭請寬其期民始樂輸舜俞力學淹貫議論磊落仕數齟齬里居教授門人多通顯者有文集及易抄詩書指行於世弟舜庸相繼登第知古田縣民間牛死例輸錢於官舜庸嘆曰民不幸喪牛又責入錢是重困也立命除之

趙公迥

晉江人紹興二十年進士調汀州戶曹隆興御極郡卒忿支賞緩羣譟譙門繫錄曹某將

加害公迥白守將梟倡亂者十餘人州以無事知邵武軍蒞政簡潔人不敢干以私陞直秘閣復轉

陳權 晉江人號朝陽居士註老子道德經編類漢唐君臣圖有朝陽詩集

傅烈 晉江人以易學授徒戶屢常蒲慶元五年第進士歷南劍惠州教授講經課文矩矱整飭政知保昌縣通判循州不取贏自潤民懷其惠知梅州未上卒子天驥嘉定進士官至通判福州著有莖齋集

蔡霆發 南安人居白石村學行純篤淳熙十一年進士以邑最登朝主管官告院卒著有家訓集

陳震 晉江人淳熙進士歷令新建適更新楮震以帑積舊券代下戶輸租通判饒州知紹州攝憲節卻臺府例券數千緡召除軍器監丞歷太府丞奏乞減二廣丁錢奉祠歸里卒有春秋解史編雜著

數十卷


黃子中 晉江人少遊場屋不遇歸休林泉自號南陂居士著有南陂集

蘇升 永春人紹興進士有詩名著願齋集同時進士楊宏才著覆瓿集又嘉定進士蘇思恭著省齋集皆傳於世云

黃必昌 晉江人從陳淳學所著有大學講稿登嘉定進士通判循州

蘇總龜 德化人紹興三十二年試中上舍優等第一孝宗即位恩賜釋褐登第授衡州教授累遷參淮東議幕奉祠有文學所著有論語解大學儒行編詩文雜著

黃萬頃 同安人紹興進士歷知雷瓊二州從宦四十年不植畝田椽屋仕纔起輒什視之恬然所著詩文數百篇又集古今詩話為筆苑五卷同時有梁南一者紹興十八年進士晉江人居鄉教授從遊甚多有六經辨疑行世



許升

同安人朱熹為主簿時升從遊最早熹語錄載其問答之語居多同邑有王力行亦從熹門著有朱氏傳授支派圖

王胄

嘉定十六年省試第一教授惠州秩滿入為大學正遷博士較藝禮闈典舉欲私所厚以險怪之題冠多士胄識其文曰必其人也典舉色阻易名次而啣之以劾罷通判

余克濟

安溪人登慶元五年第尉候官有貴人求尉廨地及教場益其第帥諾之克濟袖啓力爭不可為浙西常平幹官諸使交薦之知梅州有幕傳其境盜發或勸之徐行克濟曰不若乘其集取圖之單車就道卒年八十其學邃於春秋著通解十五卷

鄭輪

德化人嘉泰二年進士尉保昌獲強盜不論賞日人命可易官乎為龍南令邑隣山岫民久不輸租一日數十輩以長鎗挈錢而至吏驚怪詰之日聞長官賢願為王民秩終民愛之遮送不得去歷廣東運司主管文字辟知循州卒

莊壬

惠安人登第尉永嘉鹽寇掠境憲司符夜至壬不待白郡亟發卒偕寨兵俘盜數輩上謁守楊簡怒其擅命欲行軍法方建燾壬屹立不動通守以下為叩頭請日尉權以濟事可旌也簡立解乃釋衆強壬拜謝竟不拜謝拂衣去

張巽

父寓知臨江軍嘗與張栻共學遣子巽從之遊及歸贈以二詩是時朱熹之學盛行於泉謂之清源別派惠安有劉鏡者稱為高弟巽間從之遊未能釋然日恐晦庵之教不止是也乃走武彝謁晦菴以所嘗與南軒講論中和之旨告之日此某與南軒晚年畫一功夫臨別又請教晦菴日南軒記嶽麓其記石鼓合而觀之知所用力矣巽退而喜日吾固謂其不止是也既歸日從事於涵養體察久益明淨人或勸其著述對日於所聞所知尚未能加意安敢妄作有草堂在錦溪之上學者稱為錦溪先生

董洪

晉江人嘉定十三年進士通判南劍州知郡事蠲役錢苗米以萬計創陝陽濟糴二倉以待歉

歲更築延平書院士民德之

陳霖

晉江人嘉定進士為瑞金尉紹定中盜發江

鄭至果

晉江人嘉定進士授福清尉丁內艱廬墓有

遂息且產瑞麥民生祠之

魏必昌

晉江人初尉懷安有豪家訟田久不決必昌

挾中官勢羅織仇吏獄囓必昌斃之竟不為動吏

洪天錫

字君疇晉江人寶慶二年進士歷官監察御

史首諫以正心格君為說申劾董宋臣擅奪民田又言內司動稱御前良民受害願毋使史臣書日內司之橫自今日始疏冗六七上最後請還御史印謂朝廷輕給舍臺諫百司庶府而獨重北入臺上疏辭不至尋為福建安撫使後召為刑部尚書

徐明叔

紹定五年第進士辟江淮制幕幹辦廣漕清

敢犯界知潮州設購捕渠魁戮之除江右憲歲歉發義倉以賑郡民遷兵部侍郎會元兵南下憂憤卒明叔學有源委與洪天錫齊名人稱之曰擇齋先生

魏國梁

晉江人紹定二年進士為番禺推官越寇

吳燧

同安人紹定進士累官監察御史上疏論鄭清

燧請行其言改禮部侍郎未幾奉祠度宗立召為兵部侍郎

呂中

晉江人淳祐七年廷對第六人教授肇慶府除

吏之弊下大全忌之出知汀州尋復舊官主管成都玉局觀卒

陳龍復

晉江人寶祐進士歷官太府少卿文天祥開

督南劍遷復為督府參議守湖州積糧治兵天祥賴之及移屯為元兵所襲死焉

劉志學

晉江人咸淳進士教授台州以親老歸元兵入杜門不仕蒲壽庚欲羅致門下固避之

陳信惠

晉江人少敦古學後以才能歷南豐州通判官改惠安令多善政尋乞疾致仕號退翁有

中齋等集

呂大奎

安人淳熙進士出知興化軍轉知漳州適蒲壽庚脅大奎署降表不從見殺所著有學

易管見春秋或問易經集解行世

劉叔智

晉江人咸淳進士授金華尉江萬里力薦之召對論天下大勢與當時急務有勸使謁鄭

清之者謝不往及清之拜相坐萬里黨劾罷遂杜門不出

鄭曾子

晉江人景炎丙子隨蹕福州以廸功郎為潮州司法未行泉州降將蒲壽庚薦授武略將

軍梅州路治中不受

陳與桂

晉江人年少博學咸淳中領鄉薦入元不仕隱於安溪學者號水竹先生

元盧琦

字希韓惠安人至正二年進士稍遷知永春縣少受學於余子賢子賢每語其友陳忠曰

盧希韓在吾門十餘年不見其有惰容真畏友也及從子賢試浙省子賢道病卒琦不顧試期與其友陳彥博經營其喪以歸嘗以事赴京中道遽還人問其故琦歎曰中原板蕩矣因太息不已琦沒六年而元運終

傳定保

晉江人宋咸淳中禮部奏賦第四未赴廷試大德初以薦授漳州路學正首以太極圖西

銘合而講之聽者悅服改三山書院山長閱三月辭歸

錢褒

晉江人性純孝母喪負土成墓結廬山中葷腥不入口形容毀瘠終制方還治平熙寧中郡守

御州人之請聞於朝乞召試擢用以勵風俗嘗著有志孝六篇并進之

陳元吉

惠安人年甫十二家失牛隨父求之過石洞有虎躍出啣其父項元吉直前擊虎凡數十

杖不脫遂刺虎中目虎乃釋其父而走父子持杖以歸鄉人異之

吳德彰 惠安人宋乾道間兵荒父母俱沒於外時德

彰幼少欲求骸骨以葬既長訪不可得乃以檀木刻像葬於山谷自後山下有香氣襲人經久乃息里人號其山曰香山

諸葛晉 以明經授福建中書省檢校省檄分治尤溪

縣保障民賴以安嘗復朱熹尤溪書院池中產瑞蓮二芝草五元亡不應徵辟徙居穎上以節終

陳成 晉江人敦行孝義不慕利祿號雲心處士

至正間年九十餘猶四世同居六葉相見呂祐 晉江人至正末郡城陷有卒拔亦脅其母索財

祐奪其亦指盡裂因眩仆地良久而甦開目視母曰母無恙我死無憾矣遂瞑目死

趙深道 晉江人至正甲午歲歉饑殍載路深道於中

和堂設粥令饑者列坐供之所活甚眾既而大疫死者相枕藉深道造舟施輪其下會眾僧於各城門外埋瘞之日不下數次

黃道賢 晉江人有至性嫡母唐無子道賢襁褓時生

母蘇以疾去道賢既長力請於父復之孝養二母父疾篤醫莫效道賢祝天減算以益父父尋愈比卒廬墓終制至元初旌其門

明陳亦言 晉江人力學工詩賦洪武初不樂仕進日

惟與蕭子玉趙仕寬輩相往還吟詠所著有潛齋集

趙士亨 晉江人隱九峰山居喪盡禮廬墓終喪乃歸

教授於鄉時山寇呂光甫嘯聚剽掠獨戒勿犯趙先生間舍洪武初

莊逢辰 晉江人躬種藝養母母卒喪葬一依

朱熹家禮洪武初或勸仕笑不答安溪人慷慨好施嘗出粟二千石賑濟詔旌義

李森 民沙尤寇掠泉界森募死士擒其酋長尚書金


濂上其功授漳州巡檢

朱則文 晉江人幼失怙恃鞠於伯氏德春元末遇賊

欲殺德春則文抱泣求代賊義而兩釋之

夏秦 晉江人教授鄉里郡守與部使者多造其廬咨

以政治洪武間召至京欲用之以年老乞骸秦



元季進士避亂
來居青陽山

劉孔宗

晉江人未樂二年進士官湖廣參議宣德間
山西有警尚書蹇義疏改孔宗山西轉運衆
憚其嚴明構以賊山西巡撫于謙謂孔宗律已過
嚴多與流俗迕疏其誣事得釋正統中乞致仕以

終壽

朱鑑

未樂十五年以學行擢監察御史正統初權瑞
王振擁大駕親征鑑時陞山西左叅政上疏懇
留太皇太后讀其疏泣下土木之變鑑勒兵勤王
陞副都御史巡撫山西保障鴈門要害鑑涕泣憤
恨志圖雪耻上疏言宜急立儲君選智勇托忠義
開直諫杜權倖革內侍諸事在任十餘年前後奏
疏十餘上皆國家大計所賜璽書五十餘
道石亨曾以失機為鑑所劾疏懇致仕

陳濬

惠安人未樂中鄉舉以薦者擢御史立朝糾劾
無所避出按廣西以母老請歸性至孝母失明
常在床褥躬自扶掖久而
而不怠居喪戚易兼至

陳獻

由福州移家晉江性孝友不求聞達
工詩詞宣德間累召不起號為徵君

趙復

晉江人隱於邑孤山博通經史不求仕進冠婚
喪祭以古禮為俗倡人多化之號莊節先生

倪維哲

晉江人未樂二年進士初授翰林庶吉士以
才猷練敏聞改刑部主事讞獄稱旨賜幣尋
陞郎中卒

陳道曾

晉江人祖章應洪武四年進士官至禮部主
事道曾登未樂戊戌進士改庶吉士自陳授
教職歷吳縣瑞州無為
州所至以師道自重

朱鐸

晉江人工詩文弱冠登未樂四年進士授戶部
主事性簡亢寡合家居以經史自娛郡中石刻
多所
題味

蔣疇

南安人未樂壬辰進士任監察御史所按部
貪墨吏望風去其審覆多所平反以丁憂卒

張度

晉江人洪武中以秀才薦授錦衣衛都事未樂
初陞監察御史巡歷江左交南人稱其得憲體

自交南復命擢江西按察使

顏隆

未春人以貢入太學正統元年授江西吉安推官少師楊士奇之子犯法隆即誘執之議處以刑當事交薦之擢江西按察使僉事卒年八十三

溫良

晉江人唐書法舉正統丁卯鄉試閣臣選為中書舍人良出入殿閣秘密慎重所撰制詞典麗稱代言體元孫顯萬曆進士任戶部郎中嘗解餉雲中具邊餉便宜及蠲災二疏深洞利病人爭誦之

崔惠

晉江人素慷慨負大節領宣德間鄉薦任石城縣學教諭正統戊辰叛寇陳椿陷石城執惠逼令從已惠罵賊不絕口會賊焚草營遂投火自焚死

楊興

晉江人父曜宗洪武中以明經歷韓府長史與正統初亦以明經入為成王府伴讀王入繼大統興僅出為處州知事值山寇起佐諸將帥破平之召見文華殿賜酒飯陞郎中歷南京戶部右侍

郎天順改元調末州知府會入覲遂引老乞歸

何觀

晉江人永樂鄉薦授中書舍人上疏極論大臣王直胡濙等皆阿附權奸不宜在左右給事中毛王等欲當以誣陷大臣擅開邊釁之罪林聰葉盛力護之詔杖觀百調外任春宗復辟閱觀奏召復原職力辭不起隱古元洞

葉秉乾

同安人慷慨尚義正統辛酉歲饑出穀二千石入官儲以賑貧民歲已巳沙尤寇發延及諸邑秉乾倡義率民兵屢戰不利被擒罵不屈而死成化初旌其門曰忠義

張惠

晉江人正統間為龍游令景泰初處州寇逼境甚急一時鎮守者度力不能支爭去以避之惠有必死之志曰寇至而去寇退何面目還乎既而寇竟往他境去而還者皆慚

詹靖

安溪人初任廣昌知縣縣人有揭姓者素豪黠前令不能制靖至置諸法縣境肅然後陞開州同知卒於官

楊智

天順進士擢南京監察御史成化四年客星變為彗星智上言妖星示變災異迭至疏入成國公儀惡之會郊祀赴內府光祿寺點齋儀令人早鑪禁門智為內臣邀宿儀發其事以奏上以郊重事而智不謹特降三級為廣西布政司照磨久之轉化州知州卒於官

李汝嘉

晉江人天順八年進士授戶部主事時有貴幸侵民田者上命覈之得實奪以歸民後歷浙江參政致仕

趙珪

晉江人成化丙戌進士力學尚氣節時羅倫謫官泉中造珪談學豆肉孟羹終日乃去至廣東訪陳獻章質以學問而往來詰難不苟為同由郎署歷官至廣東提學卒

周源

同安人成化戊戌進士家貧有志節初偕計北為兵部主事夜遇盜源因得其遺金百兩盡歸之入家至源家篋無長物僅錢數十眾服其廉由是名震京師

蔡清

號虛齋成化甲辰進士請告家居講學水陸寺江南士多從之遊弘治初以王恕薦為吏部稽勳主事清因上管見二劄又疏海內名流劉大夏等三十餘人上皆納用庶吉士鄭智論事下獄罪且不測時司寇何喬新方在告清詣喬新強之出喬新即具疏林智請官嶺南尋除南吏部文選又乞終養至家兩月而父沒後起江西提學副使時宸濠有逆志值生辰藩臬官當具朝服賀清獨去蔽而入曰以別於至尊也凡朔望諸司皆朝王次日始謁文廟清力請以同日行禮先謁廟次朝王濠積怒清遂引疾乞致仕歸逆瑾專權方拔時賢以厭眾望不數月起為國子監祭酒命方下而清已卒清學初主於靜後主於虛謂天下之理以虛而入亦以虛而應故自號虛齋所著四書蒙引易蒙引諸書

趙瑞

晉江人弘治庚戌進士歷戶部員外郎權臨清鈔關歸家時囊中僅二十餘金至洛陽橋命兒子納之鞞中曰儻有開篋者輒謂吾贓物也

王宣

晉江人受業蔡清之門嘗論學者合朱陸為一便非真知蘇軾極詆新法為小人所忌瀕死不悔合於孟子養浩然之氣朱熹以蘇張詆之未為確論弘治中舉於鄉以南宮未第遂一意養親終身嘗題詩清源洞云王龍卧井無消息搔髮星星坐夕陽未幾卒

田崑

晉江人弘治庚戌進士為湖廣寶慶知府岷藩校卒犷悍崑馭之以法歲饑發廩施粥全活者衆楚地多閒曠崑發金鄰郡糴麥種千斛教民樹藝麥秋至民相語曰生我者田父也以親老乞歸崑弟弘治乙卯鄉薦授湖廣均州知州武當山鎮守中貴貪虐民不堪命崑極力抗制中貴怒巧中之逮繫至京逆瑾用事構成重獄大理卿燕忠疏雪其誣得削籍歸均人謠之曰太守憂民苦奪身抗猛虎直道古難容名位棄如土

黃鏢

晉江人弘治庚戌進士守思恩軍民府思恩故梁鏢至悉擒捕之增設縣治設官如內郡之法由是土蠻始識有長官不敢肆驚

顧珀

晉江人弘治己未進士知旌德縣陞守和州罹大饑不俟申請倒倉庫賑卹時部檄督通甚急民貧無措乃召富商諭以大義商輸所有貸官秋成還之以治行旌陞湖廣叅議寧庶人反南昌珀扼險黃梅為池皖援嘉靖中官至江西左布政使尋擢南太僕寺卿戶部右侍郎署篆疏上便宜十二事出督江防屢疏致仕年八十六卒

傅浚

南安人弘治己未進士授戶部主事丁父憂為逆瑾矯旨削籍瑾敗起工部虞衡員外郎中理薊州鐵冶省鐵竈費三之一遂為定制改都水司長官索所司羨餘浚不從為所排出為山東轉運同知卒於官

黃瑗

晉江人弘治乙丑進士知山東長山縣時山東旱蝗瑗多方賑濟隣境饑民來就食者萬計青齊有疑獄藩臬檄瑗鞫之各得情去擢守肇慶以平賊功進三品秩既而廣西盜起瑗統肇慶兵會捕以疾卒

留志淑

晉江人弘治乙丑進士歷守杭州浙鎮守大

其居逃去延燒千餘家志淑令地方熄火傳各衙

門堅閉毋動真不得逞數日濠反報至真謀益急

志淑提民兵伏門外真倉卒不得已呼其衆出民

兵盡捕送獄真旋伏辜武宗統六師征濠憲臣疏

志淑知徽州至則止候駕各丁夫又罷民間諸所

措備惟令人携直隨地催募俱應公私晏然遷湖

廣參政歲大饑巡撫欲親行部督賑志淑曰都府

不出廼所以賑也屬邑有腴田數百頃洪水決為

陂塘設法導水而復其故仍築堤植柳以牢之民

呼曰留公堤累陞浙江左布政使未任卒子元復

舉人孫震臣敬臣俱進士

詹源 安溪人弘治乙丑進士授戶部主事改監察御

史方逆瑾用事凡拜官者必私謁謝源堅不往

瑾誅源名益著轉貴州按察僉事會香爐山苗叛

源督將卒勦平之擢雲南按察副使復與御史爭

事竟坐忤免歸

葉寬 正德戊辰進士任工部主事監通州磚廠中貴

人不敢縱外戚陳言新貴幸賜第於西安門外

命寬董其役寬言地迫宸居宜半裁之言乃佯具

疏辭有旨逮寬杖之繫詔獄及得釋出為浙江叅

政尋被擠歸

林鉞 晉江人正德戊辰進士初令崇仁請改折京兌

夫召民種荒田省浮費金數千增穀至十餘萬

石又奏免水旱災地清豪右所匿田而歸於學

傅檝

南安人祖凱父浚至檝相繼登第檝時年方二

十授行人司行人時浚為山東運司同知暴死

邸中檝奔計詢故遂不與繼母共處哭嘔血數

升垢面汚服屏妻子以居會有子喪不哭或詰之

檝曰吾不能為子敢為父乎俄得罪人

於德化富家袖鐵槌擊死以狂廢卒

郭楠

晉江人正德甲戌進士授浦江令入為監察御

史嘉靖初奉命稽覈兩廣倉帑叅糾藩司方面

無所回撓疏薦三河驛丞前翰林編脩王思通衢

驛丞前刑部主事李中烏石驛丞前戶部主事戴

驛丞前戶部主事戴

冠乞量移錄用復巡按雲南時議大禮大小臣多得罪楠疏言張璉輩排正議竊美官上激九重雷霆之威下貽舉朝縉紳之禍所議之禮未足慰二帝在天之靈而號痛之聲先已徹九廟之內臣愚不意聖世屢以忠諫而獲罪也疏入上震怒逮赴京杖四十下詔獄削籍為民

秦昇

泉州衛千戶祖雄督運道亡藁葬南直昇累擢至其處扶櫬而歸居父喪廬墓三載侍母洪氏疾衣不解帶者數月御史以聞正德三年旌表

林同

晉江人舉弘治辛酉鄉試擢兩浙轉運判官分司未嘉末嘉多宦豪兼弁鹽吏相沿姑息同疏言鹽場疆界不均亟宜經正審覈凡四上始得允嘗部解鹽銀至太倉除兌邊外積羨千餘同仍歸部帑未嘉沙城之役執政張璉意也御史希其意下同議同度土工所費不貲槩免其役人咸德之所著有正學錄龍峯遺集

蔡潤宗

晉江人好古力學受蔡清易學轉授生徒學者師之領嘉靖乙酉鄉薦除餘杭令勸民務

孝弟力田刻四書講章易學正言以教諸生歷任建昌府通判尋親老乞歸家無擔石足跡未嘗及郡邑庭監司守令往往造廬而禮終不及門報謝士大夫益以此重之

黃偉

同安人正德甲戌進士授刑部郎廼求道南四先生書遡頴昌授受微旨以朝夕自勵嘉靖初應詔陳九事出守南雄甫三月遂疏歸老稚遮留不可得改授松江權貴有卿之者或勸一謁以釋竟不往復


稱病歸

陳琛

別號紫峯自蔡文莊清以理學教人琛生去清稍後一日清得其文嗟異久之及督學江右請琛偕行歸而四方從學甚眾正德丁丑登進士授刑部主事以母老乞改南得戶部尋轉吏部考功郎力乞歸養嘉靖初以大臣薦拜貴州提學僉事俄復改江西皆辭不赴清既沒所謂無愧師門者琛一人而已學者稱為紫峯先生著有四書淺說易經通典

李聰

晉江人弘治庚戌進士授翰林院檢討後改吉府長史聰自為舉子時經術行誼為時所推陳



琛嘗稟學焉及輔藩王以剛正多忤意正德初疏乞歸尋有詔起用竟不出閉門動遵矩度學者宗之

王宗濬 字志達晉江人與兄宗源先後成進士宗濬郎戶部時值徽府奏乞自徵地賦并請勅示

後宗濬言於尚書梁材以擅征困民非祖宗舊制疏爭之事得寢累遷湖廣江防僉事以疾卒於官

史於光 晉江人家貧勵志讀書事親孝領正德癸酉鄉薦不赴春官或促之行曰仕不及親奚亟

為丁丑登進士第選庶吉士改為吏科給事中時議大禮於光疏不報以疾疏歸家居作易經正蒙

復起官赴京卒郎中宦囊罄乏無以為斂張岳為經紀歸櫬

林希元 同安人正德進士授南大理寺評事世宗登極條上新政八要大略言君道在勤正學親

正人而息中官幾務罷中官鎮守所以清政本塞亂源會以議獄事被論棄官歸大臣交疏薦之尋

改提督學校陞南大理丞尋謫欽州會安南不貢朝廷方議征討擢希元海北道兵備而希元主議

以征為是與督臣互異竟罷歸世宗罷鎮守中官悉歸內監自其一疏啓之而安南惴惴歸命還我

四峒亦希元之議足以奪其魄焉家居手不釋卷所著易經四書存疑學者師之

張岳 惠安人正德八年鄉薦第一十二年成進士授行人武宗寢疾豹房岳疏言自古未有人主寢

疾獨宦者侍宜令九卿臺諫輪直嘗藥及上南巡岳同諸司疏諫下獄廷杖謫南國子學正嘉靖初

召復行人陞主客郎時方議禮岳與張孚敬不合出僉廣西學憲復改江西坐謫轉守廉州安南久


亂不貢朝議將討而郡縣之岳具疏陳狀會擢浙江叅政而莫福海入款關言往張廉州安在是欲

以恩信撫我何可忘也於是叅贊毛伯溫奏還岳廣東為畫所以受降之策甚備安南平擢拜僉都

御史撫治鄖陽旋改命江西貴溪相夏言治生塚藩司議廣信七縣各措千金岳曰將範金為榔乎

縣百金足矣分宜嚴嵩奉賜建延恩閣岳批牘與千金所司相顧訝少重復請益岳曰是非相君意

乙巳督兩廣軍討封川融懷馬平諸獍悉平之陞兵部右侍郎卒贈太子少保諡襄惠弟峯庚戌進



士官四州僉事子宓慶遠知府嚮
領薦順天孫迎萬曆乙未進士

黃潤

字以誠正德辛巳進士授武進知縣武進賦重

吳廷舉議徵其價正銀伍錢潤諍之曰三吳每石
糧價歲三四錢耳折布固將輕之若裁定五錢是

重之也乃改徵正三錢陞兵部武選主事奏立編
選法擢守松江府脩葺廟學給學田二百餘畝定

賦役冊至今便之服闋改東昌守尋遷河南副使
以母老上表乞終養所著有東石漫稿十餘卷

丘養浩

字以義正德辛巳進士授餘姚知縣行取拜
監察御史疏劾近侍陳欽橫恣都城謫未平

推官未行臺諫疏救賜還職席宗伯書以議禮得
幸其弟檢討春巳陞按察僉事書輒陳乞仍復館

職養浩疏其冒恥奔競患失難退出巡山海關復
疏徐定國冒奪邊關屯地千餘頃又條陳防邊便

宜十餘事朝論譴焉提督南畿學校尋擢右僉
都御史巡撫四川改巡撫江西被論歸卒於家

王慎中

字道思嘉靖丙戌第進士授戶部主事監兌
通州漕運卒轉輸之疲視糧有泄爛者不以

罪運卒即散給軍士人服其練達改禮曹尋改吏
部以事謫復擢禮部員外郎督學山東歷江西叅

議及河南叅政屬歲饑大梁宋衛之墟殍骸蔽野
慎中開倉賑濟施給有方旋罷官歸益肆力文章

追軌作者初但慕先秦以上史漢而下無取焉後
細閱宋各家言覺其味長乃自悔舊所為文以為

專模擬秦漢人者即非秦漢人也遂喜歐曾集欲
厲行而肩出之唐順之稱其文二百年來當為中

興後有起者莫及所
著遵巖集行於世

梁懷仁

字宅之晉江人嘉靖乙酉年十六舉鄉試已
丑第進士懷仁生抱異質人視其文章如與

璠結綠爭珍藏之初授南京吏部主事甫三月卒
所著有國朝功臣年表讀史日抄詩文數百首

陳一道

字邦縉晉江人起家椽吏嘉靖三十一年為
蕪湖丞邑有劇賊黃岳行劫湖湘漢沔間一

道以計擒之悉除其黨後倭自浙江流劫諸縣延
入南陵一道率衆獨進為賊所殺事聞贈應天府

通判廕其
子人太學

張弘綱

同安人倭寇日其父遂夫與弟弘猷者被擄索金贖弘綱家貧無所得金乃入賊巢泣曰

某幼無可假貸不如歸吾父則金可得賊信之為刻日而歸父終無所得金至期賊曾令縛出與其弟斬之弘綱復給賊曰父歸必有金可遣弟速之賊又如言而遣其弟弟既脫弘綱乃告賊曰家貧甚金實不可得吾以全吾父與弟耳賊怒日黥兒乃為汝所賣耶懸於樹焚死之

莊用賓

字君采晉江人嘉靖己丑進士授行人遷刑部員外郎出浙江按察僉事直指行部事有

不合必與抗論上虞丞倚驕使私人貪恣不法亟暴其狀黜之寧波學宮壞議為修建直指以疏動帑金非使用賓日移某邑餽某鄉大夫金若干果疏動耶直指變色大恨因報命論劾罷歸時年三十有一倭寇逼郡父塚為寇所發用賓偕弟用晦幸鄉勇直搗寇巢負父骸以歸而用晦沒於賊事聞萬曆間贈用賓太僕少卿

陳庸

永春人其先自南宋以來逮及孫福十二世同居世業農家範數則簡而整儉而可久寇入境

過門不犯縣官累招不至嘉靖五年督學邵銳得狀深加嘆賞表揚之

胡有燿

字子謙同安諸生嘉靖戊午倭寇至其鄉有燿散財結社幸鄉人併力為拒賊計以脫諸

婦女老稚力罷為賊所得罵不絕口而死

洪富

字國昌晉江人嘉靖己丑進士富未第時嚴嵩為祭酒延為子師後登政府富無私謁有巡監

御史唐臣微以私意相示或勸之從富曰汙其身以媚人吾不能也以內艱歸除補兩淮擢叅知四川遂決志歸

黃光昇

字明舉晉江人嘉靖己丑進士歷官以副都御史撫四川會營三殿需巨木甚夥光昇疏

奏暫借他省發上下吏贖錢彼此灌輸不須加派三殿成拜兵部侍郎總制楚蜀黔中三省討叛苗撫降二十八寨召入工部尋進南戶部尚書先是嚴嵩竊柄政以賄成諸督撫無能徒手保位者於光昇獨無有所冀嚴嵩敗華亭徐階雅相知遂力推載焉南京各衛軍餉以改折解北釀激軍變光

昇請復原額覆議續派軍始無諱自南京入長司寇時肅皇暮年雄斷譴斥誅戮不測階與光昇互相籌帷一切調劑委曲冀以迴天給事中沈束以言事囚繫者十六年光昇以階謝政去已亦乞歸尋起為始放束編民光昇以階謝政去已亦乞歸尋起為南刑部疏辭不許強趨命為高拱喉私人劾罷還里所著四書紀問讀易私記讀書愚管讀詩


陳讓字以禮晉江人嘉靖辛卯舉鄉試第一連擢甲第授紹興節推入為御史市棍劉東山為父所訟繫獄既發配出復煽構勳戚讓時巡東城檄捕治之東山反誣奏讓與助戚通多所株連上怒下讓獄尋赦出章聖太后崩肅宗方營陵寢於大塔山欲幸承天奉睿帝合葬讓疏言上自藩王入御大統陵園有天子氣不宜改遷上怒削職為民隆慶改元贈官光祿少卿

傅鎮字國鼎同安人嘉靖壬辰進士由行人授南京御史有守瑞潘真挾私亂政鎮請按真姦贓果有左驗逮治之巡按山東屬妖人謝漢作亂擒獲黨與甚多鎮論殺首惡餘脅從者悉放去入署河

南道大計忤權相嵩出叅政粵西時有議逐流民者鎮曰彼亦民也况間有師儒醫卜商賈之屬可裨我民柰何驅之既轄楚進右都御史提督操江尋以病乞歸

周天佐字宇弼晉江人嘉靖乙未進士乞歸娶任戶部主事時九廟災詔諸臣條時政闕失御史楊爵疏陳五事繫獄天佐疏救之略云陛下令諸司條奏闕失此特示人以言御史楊爵之獄未釋是未示人以政也又云以盡言極諫為小人以抗疏納忠為囚獄孰不為容悅寡過之臣疏聞詔廷杖斃獄中時年二十餘隆慶

康朗字用晦惠安人嘉靖乙未進士授刑部主事闕郭武定侯勛獄疆直著聲遷叅議備兵曹濮劇寇傅伯玉劉千斤流剽三省逼曹城二十里朗勒兵昌矢石將吏皆殊死戰斬獲無遺捷聞晉僉都御史開府鄖陽適漢中降猢猻變屢師無功朗持檄諭之令來身來歸待以不死猢猻拜加額日郎陽院耶是仁信有聲必不我欺遂解散去轉副都川貴乞致仕歸



趙恒

字志貞晉江人嘉靖戊戌進士夙患耳疾乞就教職得袁州督學使者延白鹿洞集諸郡儒父而師之遷國子監丞尋改南都歷姚安守姚安故雜苗俗狃淫僻恒為定婚娶之禮土司歛然郡介大理楚雄雲南之交諸採辦鑄造賫運旁午恒請中丞閉巖石嚴官署鑄銅之禁中丞偉其議行之所著春秋錄疑傳於世

王春復

字學樂晉江人嘉靖戊戌進士守贛州會有督木官橐貲肆出行劫寢逼雩都執二指揮春復提兵出郭民聞守至四十里內皆來集賊乃釋去憲副雲南黔國世鎮滇中誣民侵支屬土田遣家奴迫脅春復至申謀深切論以利害黔國愧悔參議廣右年餘卒

洪朝選

字汝尹同安人嘉靖辛丑進士歷南吏部出僉都御史提督揚江旋開府山東入為刑部侍郎時江陵張居正秉樞遼藩獄起居正以私憾欲有

未

所旁及屬朝選往勘朝選論遼庶人如法他無株連居正惡之以大計罷歸復為撫勞堪所陷據其事聞於朝張居正從中擬旨逮朝選下獄不二日斃之後居正敗子訟寬詔復其官勞堪遣戍

史朝賓

字應之晉江人嘉靖丁未進士授刑部主事適兵部郎楊繼盛論嚴嵩納賄蠹國十大罪下司寇獄人人惴恐朝賓則比奏事不實律主者不可乃署奏末云楊繼盛語雖註誤心實無他惟稍憫其狂愚謫發遠戍庶全好生之德奏入楊竟坐大辟朝賓降級外調判泰州遷工部郎分署張秋鎮及嚴嵩敗始擢應天府丞鴻臚寺卿卒賜葬祭

林一新

字震起晉江人嘉靖丁未進士授戶部主事管通州天津倉成寧侯仇鸞提大兵恃功自尊諸部郎督餉多中以禍一新戒期約諸分屬者以某日會餉某所而身從間道趣督餉如時至竟不見咸寧而歸累官江西僉事豐城堤決為設法修築號林公堤與張居正為同年至京惟一謁居正惡其遠已也嗾給事中陳某論一新年老令致仕歸卒之後子孫幾不能具饘粥

張冕

字莊甫晉江人嘉靖丁未進士授烏程令值倭寇冕高築城垣召集民兵分枝習之遂敗賊於桑柯林鶯脰湖遷桂林同知劇賊張璉劫嶺東朝廷以冕在烏程有偉略擢僉兵憲冕督兵破平之倭圍潮陽冕入城拒守賊百萬攻城城中隨機應之有奸人謀內應冕知立办之賊遁去先時泉州叠遭倭患米價踊甚冕在嶺東諭商民航穀抵泉所賴者多

莊朝賓

字於觀惠安人嘉靖丁未進士歷廣西按察賓至議戍守事宜次第行之又以八寨賊鵠張已久士官韋起雲沉勇可任即屬以兵復思恩九司巡檢分鎮焉八寨聽令惟謹在鎮三年人呼為莊菩薩

伍民憲


晉江人倭亂扶父際會逃遇賊亦其父憲挺中一手荷戈口喃嚙呼父三日乃絕身殺二賊又傷數賊後隊至落其右手卧草

朱一隆

惠安人舉嘉靖庚戌進士歷廣東左叅議時柘林叛兵突薄會城下藩臬官分門守禦拒避賊者不納一隆守小南門日賊近而啓高以待示強民急而開門以納示仁閉之何為傳令大開門日入男婦以萬計以此存活數萬後除廣西分部右江右江久不言兵時寇復張一隆條上督府言都亮不處則宜山其墟淶里不治則賓州其沼南四紙劄不誅則采賓武宣之民未知稅駕茲當機貴密應變在速請得便宜從事許之乃密召將領分兵四出因巢為食以所獲充犒賞獲首級八百有奇自是諸蠻震驚復

陳道基

字以中同安人嘉靖庚戌進士歷任南都察院右僉都提督操江改應天巡撫檄下所司諸告密株連者置勿問謬持人短長快睚眦者必罪無赦自是告許之風頓息以人言歸嗣廷議起為薊鎮開府至則閱部伍脩戎器凡幕府市租悉覈為饗士賈江陵張居正以歸葬故往還良涿間督臣躬迓道左視供具道基獨臨邊自如尋以工部左侍郎召入督陵工遷南刑部尚書典留刑再疏乞骸骨



薛天華

字君恪晉江人嘉靖庚戌進士授南刑部主

事適楊繼盛以論權相死天華與同年朱天

球哭之死所捐路金為其殯殮守重慶郡民多流

移為請當事蠲一年稅以復諸逃亡者天全六番

招討使死長子楊時譽應襲次子時舉謀奪之勒

兵相攻撫按檄委處分時舉陰遣人投重賂天華

械致前行呼時舉為陳國法倫序逆順禍福時舉

叩首服六番帖然晉廣東按察使舉卓異晉本省

布政使卒

丁自申

字朋獄晉江人嘉靖庚戌進士授南工部主

事進郎中出守順慶調梧州順慶因採木之

役間里彫敝歲饑富人閉糶夜數十人劫取其粟

既乃知其姻親也自申曰是為親故盜况閉之糶

固可貫矣遂從未減隆州土官爭界相讐殺奉檄

同保寧守訊之保寧守請具甲冑以從自申單車

抵其壘酋皇恐囚服謝罪及至梧會大勦徭寇將

領掠平民為功俘至令妻孥自識別驗實縱還所

全活無算罷歸所著有三陵稿

尤烈

字子偉晉江人嘉靖庚戌進士初授祁門令耿

介自持累遷江西僉事自投傳歸起雲南少叅

竟辭不出性淡薄不問田宅寄傲山林藿牆蒿牀

攜餐裂縷人為不堪初亦有病其矯者久知其終

如不淪相與慕其高風云

蔡存省

字宣懋晉江人少孤力學舉嘉靖鄉薦歷判

臨江府以戢盜著稱藩司委官解餉存省白

京役良苦且鏹往往不如數以此忤

藩司意遂拂衣歸百姓遮留之不得

王任重

字尹卿嘉靖間進士歷雲南右布政使以疾

乞歸予太僕卿致仕任重勿耽性學嘗粘太

極圖西銘於壁慨然欲探濂洛關閩之蘊每夜將

寢必誦孝經二章雖耄不輟曰惟義理可頤性詩

書可陶情壽七十八卒

蔡元偉

字伯瞻晉江人舉嘉靖辛卯鄉薦歷撫州同

知遂隱不出嘗作書遺大司寇黃光昇與言

大臣去就之正光昇深納

之所著有易經聚正行世

賴廷檜

字而舟晉江人嘉靖乙丑進士授戶部主事出監兌江西郡邑以故事上夫程却不受歷

郎中遷守建昌歸德二郡擢天津兵備叅

趙秉攷

守恒守南安人隆慶進士由戶部浮沉州郡

鄉里

傅夏器

字廷璜南安人嘉靖辛卯舉人久不第乃發憤為文歲置甕於几下每作文燃而納之歲

終展視甕為滿嘉靖庚戌會試第一任吏部郎

李纘

字存孝晉江人嘉靖庚戌進士選戶部主事服除補禮部居曹郎間以迂直為權相所擠出為

景府左長史時景王初之國諸從官中貴人勢張甚纘數諫王以法匡繩之橫者乃戢未幾王薨召

為鴻臚寺少卿尋罷歸

史朝宜

字直之晉江人嘉靖癸丑進士出宰山陽邑劇田荒而賦額恒缺朝宜躬自節約每秋冬

輒借官帑遣糴江南湖北間一石之費代輸民二

石歲減賦數萬時司空趙文華以倭亂出視師海

上北過淮僅常供不之而已趙恚甚既廉知其為

苦節吏置之秩滿陞南戶部主事守瓊州瓊故有

生熟岐黎諸峒租食其中每守至輒先以珍奇為

餌朝宜嚴杜絕之即其地擢按察副使尋晉湖廣

右轄不數月引疾乞休性翫麟嘗自號方齋以見

志弟朝富同年進士歷官永州府以清望引疾歸

晉江儒士生有至性三歲喪父見母蔡懷毒

欲殉跬步不離側稍長母病顛天祈代求旌

母節歷三十七年悲悒喪明及旌目能視母歿將

葬淫雨浹旬袒哭雨中天為霽嘗苦蝗旁墳木盡

稿抱樹而泣蝗不入界一日暴雨有白衣人呼之

出廬遂壞卒年七十六國人稱曰韋孝子有司易

里名曰節孝里遭火兩鄰煨燼旌

節坊獨存萬曆二十八年題旌

江萬仞

字若度晉江人嘉靖癸丑進士官至太僕寺

少卿致仕萬仞性挺直居官恪守職業尤不

屑脂韋以媒通顯劉御史某以彈糾楚相戍粵西

萬仞多方存遺歿為經紀其喪即權貴側目弗怵

也里居十
四載卒

沈亨

字體敬晉江人少惇篤每讀孝經小學輒掩卷
靜思求所以不愧古人者時方尚講學亨曰學
在躬行何以講為嘉靖乙卯以貢授新會訓導轉
宜山教諭未幾致仕數年卒以貧故有司賻而葬
之有孫二人尚
寄養於女家

黃潛

字昭卿晉江人少攻苦刻勵以歲薦入太學授
高明州同知州故土城為叛酋安銓攻毀潛砌
石以城之學宮在州西形家言弗愜文風久頽潛
遷之州後黃龍山麓時集多士講藝其中普沙河
利漑一州秋冬恒苦涸潛為築壩張家山時其蓄
洩州人求利之相與祀於張家山及歸自題讀書
處曰靜養又作四
難四要箴以自警

蔡一槐

字景明晉江人嘉靖己未進士除戶部主事
歷僉楚臬有御史希江陵相張居正指欲以
法巧中其鄉之縉紳授意一槐一槐曰吾安能罔
法媚人乎癸酉總裁楚閩同事者陰持牘昇之曰

此相公子一槐置之几上不理居正大
憲憾稍遷東粵參議遂用京察罷歸

陳邦顏

字獻祉晉江人嘉靖壬戌進士授華亭令華
亭財賦甲諸縣往往多逋負邦顏單車入窮
鄉召父老廉其故備得積負詭戶者置之法催科
不遺胥卒出片楮傳告里長如期至咨訪民情登
耗善敗無不洞曉以憂去職後擢兵科多所建白
值遣太監織造事工部工科駁諫不回邦顏抗疏
直言忤旨旋以
疾乞歸道卒

莊國禎

字君祉晉江人嘉靖壬戌進士授會稽令以
卓異徵拜給事中未幾疏揭各大臣夤緣攀
援狀出為浙江按察僉事復改視江西學政直指
使者沿例收士入闈闈撤檄悉充國子員國禎堅
持不聽尋轉江西左布政後補河南值兩河大稔
白兩臺請發臨德倉請改折漕糧三歲倣趙闕道
荒政選丞倅分地理之全活甚眾巡撫江西連年
水旱復以河南例題請改折晉南京刑部侍郎旋
改戶
部歸

李贄

字宏甫晉江人領嘉靖鄉薦授教職歷姚安太守政令清簡踰年入鷄足山閱藏經不出御史

劉維奇其人疏令致仕遂客黃安後至麻城龍溪湖上閉門下捷日以讀書為事及登堂講學從者執經問業擁集如雲一日頭癢倦於梳櫛遂去其髮禿而加巾所著書上下千百年俱另出手眼多掊擊道學抉摘情偽於是天下羣以為妖御史馬經綸迎之於通州尋以妖人下詔獄成上議還原籍李贄曰我年七十有六死耳何以歸為遂引薙髮刀自剄兩日而死經綸收葬之於通州門外太史焦竑銘其石曰李卓吾先生墓道過者皆吊焉所著藏書焚書等集行於世

何喬遠

晉江人八歲喪生母林氏怨慕不忘伏臘必到墓哭泣繼母病篤願以身代繼母僅生一

女與男夢駿同痘遙祝神以男易妹迨妹長適人貧甚遠承母志嘗斷殮以資妹家隆慶壬戌兵燹有寄厚貲者其人死於賊逃召妻子悉還之又拾遺金不取隣人盜已貲知而不觸嘗病卧床三年偶起出戶俄頃屋壞床毀得免

李先春

字念次安溪人少聰明倜儻父嘗以非辜淹獄先春年十二詣問官哀訴問官奇之立破

械釋之稍長治什一值山海煽燄所在俘掠先春傾橐營贖全活甚眾賊張六角等嘗率眾圍湖先春請兵於邑令願先假庫中錢出約市人弁民壯砍賊賊果奔

陳學伊

字爾聘南安人嘉靖壬戌進士授南京戶部主事陞禮部郎中出守揚州竟以抗直左遷

柳州守柳俗男子憚於加冠父母初喪則鼓吹三日名曰鬧喪葬時如之又楚俗棄女民多不娶學伊申禁再三俗為稍移柳治有狺自為聲教其法偷一鷄罪至死擅殺無忌學伊檄諭安靜如故遷撫州同知擢江西僉憲分察湖東嫌怨不避坐是齟齬歸所著有五譚類抄世紀諸編

詹仰庇


字汝欽安溪人嘉靖乙丑進士授南海令以卓異徵入為御史時穆宗命戶部購寶石珍

珠諸物責三日取辦仰庇疏請珍寶石多藏中貴家上供日亟則索價逾倍今軍興告匱將焉用此乞罷購明年春內官監辦製烟火進奉元夕火藥突發所延燒內房十餘間復疏言逸欲害德近

習債事宜嚴懲其不恪者疏入不報是時陳皇后
 遷居別宮疾篤仰庇疏言皇后乃先帝所擇以配
 皇上者也竊聞道路流言坤寧宮曠而弗居積有
 歲月睿體抑鬱成疾萬一不諱其為聖德累不少
 願皇上還皇后於坤寧宮時賜存問上覽疏心動
 手批慰之奉命巡視監局庫藏復疏言內官錢糧
 動以供御為名肆行侵冒乞命查覈以杜奸欺其
 該監所開工作諸費如鰲山花欄金櫃玉盆之類
 皆作無益以害有益伏願慎儉德屏玩好凡以織
 造采辦逢迎者悉屏斥之疏入上震怒責其悖逆
 狂妄杖之百黜為民神宗登極起官至刑部右侍
 郎竟引疾乞休里居二十餘年卒贈刑部尚書
蘇士潤字惟德晉江人少善屬文嘉靖乙丑進士由
 吉水令召入為御史疏請東官講學舉逸才
 裁東粵撫臣罷光祿內供朝論躉之視長蘆齟政
 疏積引之弊至今著為令後按順天巡視京營會
 張居正與高拱有郟士潤為高所舉士遂出為湖
 廣憲副尋謫全州倅移湖州司理稍遷至夔州同
 知尋晉
 本郡守

李熙字穆之晉江人隆慶戊辰進士由庶吉士改兵
 科給事中疏乞錄用言事得罪諸臣以開言路
 復言理學蔡清宜特祀糾中官馮保巨奸當斥逐
 旁及戎政互市賑卹阜財諸疏皆動中機宜會疏
 論譚司馬沐黔國劉都護不法事譚司馬者權相
 私人也力擠之謫南豐丞熙怡然就道棲白鹿洞
 講學量遷寧國令陞南比部後官至廣西臬引疾
 致仕舟次惠州卒所著有私警錄八戒及詩文藏
 於家

王用汲字明受晉江人隆慶戊辰進士歷戶部員外
 郎時江陵張居正奪情柄國假歸治葬楚中
 督撫藩臬千里外奔赴獨巡按御史趙應元稱疾
 不奮馳疏乞休長臺者希居正旨以飾疾規避劾
 罷之用汲發憤疏糾大略謂御史因不會葬忤柄
 臣而御史大夫阿意借事糾彈竊恐憑社煬竈之
 奸復見今日切宜別白忠邪未戒朋比疏入黜為
 民於是直聲大震及居正歿俄起為刑部員外郎
 遷尚寶卿大理少卿屢上疏論事後官至南京
 刑部尚書以疾乞歸卒贈太子少保諡恭質



蔡貴易

字爾通同安人登隆慶二年進士由江都令

擾醜四百金為獻貴易峻卻之出知寧波府是時
余有丁為相有建開金塘大樹之策者謂可墾腴
田二萬畝佐軍興有丁從中主之貴易曰此國初
所徙地也役蒸黔而資巨室詎庸利乎既力白於
上官事遂寢寧關外跨大江為浮梁兩涯隙地為
豪家占以築室渡者一日溺百餘人貴易廉得其
狀立毀之仍為文祭溺者患遂息擢本省

黃鳳翔

字儀庭晉江人萬曆戊辰進士廷對第二鳳

晦陪京翰林國子掌雍人俱視為冷局鳳翔謂讀
書惟此最宜入為儀部侍郎以爭建儲事不得報
遂乞歸將母疏屢上情詞哀切生平有用文章如
為國子監祭酒時進禮記表則有攝聖躬純聖學
預建立蚤諭教數條為經筵講官時則進用人理
財之說請屏游讌御朝講圖脩攘振內綱蓄邊材
罷宮廟梵刹還言事諸逐臣以作直言敢諫之氣
後起禮部尚書卒子潤中崇禎丁丑進士歷仕有

聲

黃德洋

字振海晉江人與李廷機為莫逆交隆慶丁

無所受遷刑部主事執法不撓中貴憚之擢四川
僉事岷山武都素稱鷲頑乃親詣其巢諭以禍福
皆願遵約束陞貴州叅議土酋安國亨恣虐醜其
叔德洋繩以法曾懼令其母請罪廷論定苗功命
未下

卒

林肅

晉江人年十六時其兄以舖里之役被捕走匿

靖季年大饑衆鳩施粥肅率先為倡又廣治墳塋
以畚鍤活流離者鄉人德之稱為長者年八十餘
卒

王煇

晉江人父早喪母李氏誓歿育之遇親諱日伏

煇行遇洪水且防劫盜文昇負父匿立侍水中者
三日毋春月病思食荔枝不得取陳者漬而進自

後每對荔枝輒流涕終身不食人稱王氏二孝子

王定民

惠安人性至孝家貧以鬻金楮為業得錢半給家半市酒肉供父母饌父病足定民背父

出入父喜奕定民時懷錢授里中父老且語之曰庶幾當父驩耳公母竟所長困吾父里社讌當昇

父定民先之讌所視父坐席為設帷布以御風容散俟門外備一役共輿父忘其病

小岞陳氏

其先候官縣人宋紹興中有為惠安丞者居小岞五世同居男女雜作皆歸公家

長掌之雞鳴皆起聽家長命無敢怠惰有古朴風至今不替

諸葛麟

晉江人孝行敦篤父隆為寧海令將之官以大母為囑麟朝夕侍養大母疾篤麟夜分稽

顙北辰割股投粥疾瘳父隆亦即致政歸養時稱父子雙孝

黃孝子

忘其名晉江人布衣文照族人也父商於粵病瞽孝子徒步負父歸竭蹶耕養鄉閭稱為

黃孝子

郭尚謙

字鳴吾晉江人為郡諸生家石湖海島上嘉靖季倭亂一夕賊艘數十至尚謙謂兄曰賊

來必縱火兄護母吾將與父櫬存亡因以麻經自緊樞側賊駭而問之曰有父櫬在在他虞願以身

代賊感傷舍去乃葬父而昇母於郡城教授生徒供養人稱為郭孝子

蔣光彥

字九觀晉江人萬曆壬辰成進士始為江山令除溺女錮婢俗弊立追徵便民法有繫莫

赦者值歲暮悉遣歸屆期皆自入獄治北新關築九清石梁復造鹿溪浮梁費可三千金皆捐俸不

費公帑入為戶部主事出知温州府擢廣東布政司叅議分守海北海南道時交黎蠢動督餉渡海

征之光彥佐以撫勦兼施眾黎畏服議者謂殊類反側靡定難以推誠光彥終不肯殺降冒功以是

忤當事遂拂衣歸養子德景自有傳德瑗給事中

蕭景腆

晉江人以椽授定遠尉補長洲時織造太監張志聰恣睢橫索長洲令郭波持法挫之志

聰忿遂誣令撓御造龍衣執而倒曳之車後景腆領所部弓兵奮追直前手批志聰落其帽市民從

旁觀者盡為景贍張氣梯屋飛瓦羣擲志聰竟奪
令以歸志聰還訪世宗有旨械下詔獄廷臣壯其
義會疏救之得落五級而景贍仍調尉長洲吳廷
舉巡撫蘓州為景贍立仗義英風之碑於長洲縣
門

楊道會

字貫齋晉江人隆慶戊辰進士歷官山西左
布政使晉階正奉大夫正治鄉年八十居常
謂理學盡於性理往鑑備於綱目乃取性理精言
採入程朱全書近思錄為性理抄修史依春秋綱
目例纂成自作論贊
有史綱節要行世

楊日采

字原白晉江人領隆慶鄉薦授羅源教諭遷
安東令安東苦河溢日采修堤障之又招墾
荒蕪改折漕糧擢南刑部主事歲餘卒孫菁獻
力學有文名後隱約自甘以著述老於家云

張治具

字明遇晉江人隆慶辛未進士由臨海令拜
貴州道御史丁內艱服除補湖廣道適扈蹕
謁陵還過老君宮上有徘徊意治具倉卒具疏請
罷逸游以光盛典上嘉納之尋擢四川憲使會計

吏江右
致政歸

楊廷相

字鍾魯晉江人萬曆甲戌進士出丹徒令歷
吏科左給事中嘗借刑部錦衣籍江陵張居
正家見尋常批牘悉火之保全甚眾一時閣部稱
其得體晉長吏垣前後九年遷至應天府府尹南
京通政司通政使乞骸歸未幾卒裔

郭惟賢

字哲卿晉江人萬曆進士由清江縣授南御
史始至屬有掣鹽之役故事掣鹽御史取贖
緩不貲惟賢疏言戶部職錢穀御史職糾察各有
司存請令主事掣鹽而御史按季監督而已許之
先是張居正柄國言事諸臣多得罪會皇太子生
下恩詔惟賢言恩詔雖下建言諸臣如徐中行趙
用賢艾穆沈思孝鄒元標傅應禎朱鴻謨余懋學
等多在戍籍乞行赦宥是時居正雖死與相比者
大瑞馮保尚在疏入謫江山丞逾月保敗召復舊
官復薦王錫爵孫繼孫不揚取定向會同亨蔡國
珍詹仰庇等皆先後起用頃之刑部主事董基以
諫止內庭操練被旨降調惟賢申救甚力疏入上

怒復調南大理評事旋改順天視府尹篆推右僉御史撫湖廣至則請定三楚賦後全書以省徵派之弊請出給泰和山香稅以補宗祿兵餉之缺召入為左僉都御史協理院事晉左副都御史條上大禮大政用人理財諸疏歷戶部左侍郎卒

黃道瞻

字臨汝晉江人萬曆甲戌進士補令宜興召入給事兵垣疏薦舊臣孫丕揚等可大用劾

南北兩大司馬及大帥不法宜罷去者忤旨謫承求豐歲餘遷刑部主事復疏言李臣等忤旨再謫淮安運判敏擢兵部尋進吏部至官兩月卒

蔡復一

字敬夫同安人萬曆乙未進士初授刑部主事即疏劾石星冒殺平民要功狀御審處眾

中外憚之後歷至山西布政使凡所羨餘悉解內帑充餉撫治鄭襄黔苗為亂擢兵部侍郎節制五省初入黔輒斬馘無算苗不敢近尋罷免竟卒軍中贈兵部尚書有遊菴集行世

林喬相

字廷翰年二十二成進士歷除江西副使時張居正方厲郵禁喬相獨嗇厨傳約舟車去

其甚者轉雲南布政使滇鎮臣素驕橫先是藩臬相見一如謁撫臣禮喬相堅持不為動尋擢巡撫貴州督湖北川東軍務罷歸著有日省錄

富可濟

字爾心晉江人性至孝事父病衣不解帶累月授生徒資菽水晝館暮歸風雨不離父嘗

一日強坐曰吾病且愈子姑去可濟佯諾陰伏寢旁是夜父果起呼僕不寤力殆而仆忽一人參脇泣及父沒哀毀甚以貧不能葬竟躬自操作而就

蘇濬

字君禹晉江人嘗以理學自任著四書易經兒說與蔡陳蒙引淺說並傳萬曆丁丑進士授南

刑部主事分校禮闈及督浙江學皆有藻鑑聲尋遷廣西叅政善蹟嘖嘖於時未幾以疾乞休後竟不出學者稱紫溪先生有三餘集漫吟集生生篇鷄鳴偶記諸書

莊履豐

字中熙晉江人萬曆進士授翰林編修轉修撰常熟趙檢討用賢抗疏忤張居正杖闕下

人多避聲跡履豐獨左右之同郡洪司寇朝選為虎冠吏所阱斃獄中滯屍三日履豐還朝北上適

與會屬所善為
經紀襁賜乃去

何喬遷

字齊孝晉江人父炯以貢歷靖江教諭有文
行喬遷與弟儀部喬遠從父學習戴氏經萬
曆丙子舉鄉試第四人授建陽縣教諭嘗以宗朱
扁其堂刻潭陽文獻於學齋中歷大理寺評事平
反獨多卒之日篋無十金之儲京師仕宦助以歸
喪子九旬事繼母以孝聞孫運亮崇禎癸未進士
令海康有賢聲性孝友俸餘輒以贍其兄階庭
間藹藹如也後卒於家所著有詠史詩草間集

黃克纘

字紹夫晉江人萬曆庚辰進士累遷刑部尚
書受神宗顧命有安邦固本大臣之褒復受
光宗顧命時以李可灼進藥事孫慎行劾首輔方
從哲欲坐以大逆罪克纘力爭云先帝不豫有急
備梓宮之言若以大逆首加從哲則顧命諸臣皆
在亦均有責焉次輔韓爌亦具陳始末爰書乃定
熹宗登極建殿克纘時為大司空裁魏璫紫階石
費三十萬璫又欲取南畿舊殿廢銅克纘不應魏
璫大怒克纘遂掛冠歸尋起南冢宰致仕卒子道
敬戶部員外嘗捐地一百六十餘丈築岸以蓄洩

海潮道爵刑部郎中嘗劾巡撫熊文燦
弁將趙庭貪懦狀所著有麗矚亭詩集

洪有復

字懋純南安人萬曆庚辰進士宰武陵時張
居正秉國附談者率為暴里中有復繫以法
裁不少貸居正啣之張敗廼以抗直擢工科給事
中劾中貴不法殺人宜抵罪中貴率其黨環上泣
訴有復抗疏再論竟抵罪外補粵東兵備有軍功
遷湖廣左布政適稅瑞肆虐同官馮應京被逮有
復悉力調停為民請命得易中使而
更置巡撫稅事屬郡吏湘澤獲蘇

李懋檣

字心湖安溪人萬曆庚辰進士初授蓼州守
本上怒謫臬司經歷家居二十載以錄用舊臣
起南兵部主政歷官至太常卿未及大用而卒

李廷機

字爾張晉江人庚午舉北闈第一甲戌張居
正延為教子師辭不就癸未會試第一殿試
第二旋晉祭酒轉南京吏部右侍郎時浙人李文
政結交近侍廷機告御史寘之法改北京禮部左
侍郎救江夏之厄不避危險嘗有璫求廷機詩序
力阻之會朝觀上在禁中語左右曰此時京官正

惟惟趙世卿李廷機此兩人聞不與外吏接頗忠
慎恭勤又劄諭內閣有朕知其清謹之語遂特命
以禮部尚書兼東閣大學士入閣辦事未幾致政歸

李獻可

字堯俞同安人萬曆癸未進士以武昌府推
官徵入戶科給事中拜官甫三日上皇太子

出閣講學疏言冊立之典可稍緩而待來年諭教
之典不可停而虛今日宜及今春孟特令禮卿酌
定儀注擇吉施行至於輔導尤宜選孝
悌博聞有道術者疏入有旨削籍罷歸

龔雲致

字潤寰晉江人萬曆癸未進士為御史視
長蘆時潞府請以彰衛二鹽歸藩府雲致力

阻之故事冬官朝潞府止拜門雲致移文長史以
拜門乃天子之儀不敢陷殿下於失禮王為出朝
賜宴及幣一如藩封例轉汝州守僉
泉澳中以沐鎮兵歸致政歸家

李開芳

字伯東永春人萬曆癸未進士歷廣東廣西
江西藩臬所至有聲永春舊民田有永寧上

倉之例屯田有本色之輸芳與弟藻移書當道題
請自是永春屯米獲免運輸闔邑賴之芳雅有才

名有天風堂集數十卷行世善諸體書工畫山木
花鳥竹石人稱為鵬池先生弟開芬萬曆舉人從
弟開藻同榜進士歷官山西四川山東江西學憲
聞父疾棄綬歸養所著有性餘堂草學者稱為鵬
岳先生

楊道賓

字荆巖晉江人萬曆丙戌進士殿試第二累
官禮部左侍郎充經筵日講記注起居奉命

有事齋宮疏請東宮行齒胄禮擯斥闕豎詞切而
直續陳五事曰葆清明平旦之氣以澄聖衷曰召
閣部大臣入對以決壅鬱曰復章奏批發之規以

尊主權曰慎內批中發之旨以杜羣疑曰除形迹
體面之套以振事功道賓每遇進講盥頰焚香端
坐待旦入視部事退邸舍作春秋通鑑講章隨事
發明借古為喻又作箴自警颯
颯可誦竟成絕筆贈禮部尚書

劉弘寶

字公可晉江人萬曆丙戌進士授庶吉士改
戶科給事中疏言中貴某恣橫狀不宜寘左

右其抗章忤旨得罪諸臣宜亟叙錄以振士大夫
敢言之氣進工部都給事中察視水衡錢歎曰是

不數歲糜盡矣嘗與中貴人齟齬時江以西困陶
型三吳困機村徐淮上下瀕河地困版築弘寶請
陶型無微奇巧三吳機杼少舒其期瀕河墊溺不
得已驅之版築盍厚議僱直遂自請外補出為浙
江叅政會有言河水侵入淮泗祖陵者上
切責坐謫潮陽典史竟以謫籍卒於家

何喬遠

字穉孝晉江人垂髫即攻古文詞丙戌成進
士選比部轉儀部郎時有三王僉封之旨喬
遠上恭繹祖訓疏力言震器不可以久虛國本不
可以徐定其議始寢又救言事被譴陳泰來等六
人嗣降廣西藩幕假歸家居幾三十年泰昌即位
甫八日即有山西典試之命轉光祿正卿尋陞通
政使遂疏乞休溫旨慰留疏復屢上乃加戶部右
侍郎予告歸後陪推南少司空特點起用抵任未
幾復引年乞休卒年七十有六贈工部尚書學者
稱為鏡山先生所著名山藏閩書何氏集各百餘
卷行世子九雲癸未進
士選庶常有荷聖堂詩

李光縉

字秉一晉江人父仁嘉靖戊子舉人戶部主
事生光縉甫四歲而仁歿光縉少師事蘇濬
善古文詞萬曆乙酉領鄉薦第一著述甚富尤喜
序述節烈忠義事其文章悉嘔心而出不輕下一
語屢次春闈不第遂絕意仕進學者稱為秉一先
生所著有景璧集二十餘卷及四書臆說易經潛
解

蘇朝陽

字廷鳴南安人萬曆壬午舉人歷柳州懷遠
知縣懷遠廼久年廢邑猛獍雜處官儼舍別
居朝陽單騎入巢諭以禮義築城建邑猛獍懼然
聽命畫土鳩工不數月告成易為美俗遷柳州知
府刻有忠孝二
經頒布州縣

林雲程

字登卿晉江人嘉靖乙丑進士歷知汝寧府
以繼母艱歸遂不復仕向在通州時總戎戚
繼美鎮通白蒲巡檢被盜盜不獲當事責讓戚乃
掩取狼山進香人及丐子百餘欲上之雲程執不
可竟活五十餘人家居四十餘載著有叢
蘭館史編抄蘭窓雜記等書又以善書稱

鄭維嶽

字孩如萬曆丙子舉人天文治理禮樂兵刑
諸言無不折其指歸知五河縣立方田法濬

淮河皆有善蹟陞曲靖同知以母老歸養有易經密義諸書行世

蔡國炳字拱朋晉江人萬曆甲戌進士初授永豐令

使司參政乞養九旬老母以孺慕稱於鄉黨

林欲厦字隆南晉江人萬曆丙戌進士歷任河南粵

三殿大工徵材於黔徵價於粵欲厦念粵西窮黎上疏以萬歲為粵人請命得蒙蠲免粵獠叛服不

常設防秋汛往來戍守邊關以寧加工部左侍郎

黃汝良字名起晉江人萬曆丙戌進士授國史編修

册封趙府藩王簡倨欲於殿外安節汝良以天子無客禮堅持入殿中禮畢遂行餽贈一無所

受轉南司業移北時有監生為巨璫私人偃蹇無狀汝良欲按之挾巨璫書至良曰國學四方觀型

且司成無與中涓通書例如法懲責擢東宮日講官每敷引古今隨事披陳東宮喜動顏色進大司成念母老申懇歸養疏凡九上不報天啓初條上

十策當事者忌之出南大宗伯遂疏乞歸乙丑起掌詹事三案事起汝良侃侃持論乃堅請乞歸逆

奸既殄首疏抗言楊左諸臣宜加贈卹要典一編亟宜焚燬奏入陛見陳時務八要時朝政頗尚鏗

急汝良復力言狂狷填滿致干天和遂致政歸所著有河干集冰署筆談野紀朦搜東宮大學講章

樂律志歷朝奏疏諸書

黃居中字海鶴晉江人舉萬曆乙酉鄉試博通墳典

得未見書必手自校錄授上海教諭率以經術著稱累遷南國子監僑居金陵因家焉著

述積數十卷所藏書甚富學者稱海鶴先生

史繼偕字聯岳萬曆壬辰進士殿試榜眼授編修越

年率翰苑上疏請册立東官開閣講學不報奉詔使兩粵蠲軍興諸賦秩滿陞侍讀轉中允未

幾由南祭酒轉南少宰兼署戶禮工三篆力清盤庫盜帑之奸從前積弊一為查刷改詹事疏請致仕抵家一載起佐銓尋入閣辦事時神宗深居不出繼偕每會廷臣請上視朝弁力陳備兵措餉不報旋致政歸熹宗即位屢遣行人趣裝而阮大鍼

從中排擠甫辦事閱月以延緩捷加太子太保兼文淵閣而繼借引疾之疏彙十八章乃免歸卒

林學會

字省菴萬曆壬辰進士歷吏部考功郎中疏陳東南水患乞主上遠法唐堯遇災思警亟簡賢才共濟時艱未幾引病乞歸甲寅起大常少卿累陞戶部尚書復致仕歸問業者屢恒蒲兩奉旨存問著有讀史抄評潔身亭說及語錄箴銘等集

丁啓濬

字亨文德化人萬曆壬辰進士為吏部文選司懷宗即位歷陞刑部侍郎時方治崔魏黨蘇州織造太監李實嘗誣周起元周順昌斃獄啓濬會鞫擬大辟懷宗召問實罪啓濬奏言實枉害忠良罪不可赦懷宗意欲縱之啓濬執愈堅懷宗大怒詰責啓濬因對曰好生者陛下大德執法者臣子職分上意乃解因掛冠歸

李叔元

字贊宇晉江人萬曆壬辰進士署儀制司篆上冊立冠婚國本疏凡二十次俱奉俞旨由刑曹轉儀曹力持不給鼓鑄採權內璫關防忤上意罰俸歷任至楚左轄值蜀黔滇羽檄旁午轉輸

騷動楚人幾變叔元馳疏十二日至京奉旨豁免派夫又直指與大獄羅織無辜叔元毅然力爭遂歸掛冠

洪啓睿

字詵原南安人萬曆壬辰進士授禮部主事冊立東宮救于孔謙陳泰來顧允成二封事改署儀制時大璫以封爵為請睿不允璫啣之及璫負罪始擢祠祭郎中後官至布政使凡請蠲請折請賑疏咸報可庚戌乞休作還山十誓

蘇守一

字際受晉江人萬曆壬辰進士初授滋陽令給單抽掣迨單發捆載遣鹽官督趣甚為賈病守一為請於當事遂罷鹽璫而屬其柄於邑令著為例陞戶部主事賈人醜金為贈却弗納轉刑部主事卒於官

蘇懋祺

字子迪萬曆甲午舉於鄉授樂亭教有諸生名切責之婦得完節丙辰遷新河令邑當燕趙之衝徵使四出疲耗民間胥役卒多通逃懋祺推牛

犒勞皆忻然效力俄卒於官百姓賻其喪歸

曾偉芳

字君彥惠安人萬曆己丑進士歷兵部職方條上朝鮮善後事宜出典粵試及差寧夏定叛卒陞武選員外郎尋以事謫賓州判官俄放回天啓初年錄用舊臣列名封事而芳已卒贈布政使司叅議所著有西行漫草燕游筆記寧夏記事諸集

周良寅

字象林晉江人隆慶進士歷戶科給事中奏內票取數十萬金頒賞所徵恩皆內戚近侍良寅疏陳借費得停罷轉刑科都張居正奪情六科會議留疏良寅不肯署名曰吾不以終喪請而以奪情請耶出為浙江叅政逮入計以向所叅糾者皆居要遂謫籍補靖州判稍遷寧國縣未幾解組歸

林欲棟

字仕隆晉江人萬曆乙未進士歷戶部主事司權吳會差竣還朝值河決河臣侵借餉金百餘萬兩欲棟按其事遂籍河臣借數以聞且疏兩河困苦狀求罷礦稅有旨切責河臣屬當公主

婚期大內索珠寶甚急諸司被譴者相誘莫任欲棟委曲調度除戶部郎尋擢四川大叅時川中多盜每一獄具株連百餘人欲棟鞫其罪當者寘之法餘悉免全活無數兩臺以卓異聞遷湖廣按察

轉江西左轄復轉光祿正卿未幾乞休歸子期昌崇禎丁丑進士

駱日升

惠安人萬曆乙未進士歷江西督學首拔陳際泰羅萬濂章世純艾南英等學者宗之及擢四川兵備遭土官之變以身殉難朝廷憫其忠贈光祿卿賜祭葬

劉會

字望海惠安人萬曆癸未進士初授蕭山縣築西興鎮石堤捍海為田數千頃民祀於鎮海樓擢御史白建儲及請太子講學出巡廣東便宜發賑以鍰金置義倉及蒞雲南礦役方興闢瑄橫甚會力持之卒罷瑄出為江南叅政兩載致仕歸

楊萬廉

字有孚晉江人少孤事母至孝總角即教授生徒館近光孝寺母病盲每夜深必潛詣寺內痛哭乃回為母舐目領萬曆丁酉鄉薦歷知霸州霸多宦官萬廉不與暱有以百金丐一扁於門

者峻却許諸璫遂中以讒左遷韶州府通判拂衣歸學者稱為振奎先生

王畿

晉江人少遭倭亂父母繼沒艱苦備嘗農賈工

由越州教授歷浙江督學遷左轄值邊警作兵餉

及掛冠歸惟以著述行世初畿視學時拔施邦曜

第一邦曜遂登第以甲申殉節為

林夢琦

晉江人萬曆戊戌進士授平湖令以忤上官

有功擢粵西副使會黔變疏請視師躬搗賊壘已

復奉檄入會安剿撫二十餘寨黔人勒石為祀焉

張維樞

晉江人萬曆戊戌進士初授孝烏令邑有豪

可乎竟脫之旋晉比部出為湖州守有沉寃困於

權勢維樞立置之法擢楚憲嗣備兵雲中亟修邊

墻營田積穀轉隴右道旋授秦撫時逆璫煽虐太

宰張誠宇以忤璫追助工銀十萬維樞特疏得豁

呂圖南

南安人萬曆戊戌進士歷按浙江旋以僚屬

生陸萬齡等請祠璫文廟李映日等請加九錫封

王圖南俱嚴駁不上懷宗賜勅有心事皎然守正

不阿之語加右都御史旋改南京戶部侍郎總督

鄭沛

字源甫德化人萬曆戊戌進士選計曹嗣督昌

操行愈厲僅三十二歲殞於官朝野惜之

黃國鼎

晉江人萬曆戊戌成進士以庶常第一授編

修持節冊封楚藩饋遺毫無所受會島外紅

毛謀互市內地璫高家受賄代請國鼎馳書

撫軍驅逐之後家居六載起官庶疏辭不赴

尺

尺

顏廷渠 號桃陵永春人嘉靖戊午歲貢判九江有兵

竟以此忤調補太寧都司斷事遷岷府長史王甚

重之廷渠向以詞翰得名其在九江時探匡廬彭

蠡諸勝登眺吟咏不輟一切吏事毫無芥蒂意年

七十餘猶縱遊燕薊吳越間率以詩文自雄卒年

九十三著有楚遊草燕南寓稿

蔡守愚 同安人字發吾萬曆丙戌進士除南祠祭司

到易州採礦守愚謂民方上供朝廷炭課倘被流

散誰執其咎且近京師安得有礦將抗疏爭事遂

寢陞上川道士官奢崇明安世隆亂

作撫按議征而守愚主撫後竟散去

蘇鼎實 字道宏警悟嗜古絕意進取究心伊洛之學

著有四書註補尚書明說古今鑑畧性理約

言人物傳評

黃文炤 晉江諸生有品操雅尚經學著道南一脉全

書屢徵不就學者稱為布衣先生年八十卒

許儼 字子遜同安人嘗慕李光緝文章徒步至晉江

師事之萬曆辛丑會試第一授翰林庶吉士歷

編修病卒生平為人氣呀嶙峋不諧俗喜讀書矢

口縱筆精義躍如至今海內傳誦其文曰許同安

張廷拱 字尚宰同安人萬曆辛丑進士歷祠部郎時

非端人君子不與交懷宗即位求舊賜環以過才

擢僉都御史撫大同召對稱旨上顧近輔曰廷拱

福將也後病劇言不及私年六十五卒

陳玉輝 字荆碧惠安人萬曆辛丑進士初授吉水令

任豪右斂手居鄉八載復起御史掌大計風裁

嚴峻書牘不入視事五月卒子龍巖別有傳

莊欽鄰 晉江人萬曆辛丑進士歷兵部主事言軍政


侃侃不避權貴有十大可憂疏轉吏部四司

郎中忤魏璫削職懷宗即位引用直臣起欽鄰選

司四任至戶部左右侍郎翰林黃道周每抗疏言

事忤旨欽鄰上疏論救罰俸旋轉南都御史掌院

事召為吏部尚書因母老歸省遲抱憾掛冠去



林欲楫 晉江人萬曆丁未進士初授庶常上國是人

省數事觸瑞忌左改南職瑞黨胡某等為瑞建祠

求撰文峻拒之瑞義孫魏某為司官把持部務欲

輯出查催一概立即屏去同官危之自分不免瑞

敗擢禮部尚書掌詹事府事適武陵楊嗣昌議增

兵餉欲楫抗言三空四盡之秋以窮民養驕兵未

見其利等具民窮兵諱一疏力指時弊又疏救左

都劉宗周逆鱗披陳言無不 盡前後連上十三疏乞休

張潛夫 字確庵崇禎庚辰成進士輒假歸淪丁二艱

外游自題其齋曰且將基度 日應用酒為年其恬澹如此

秦鍾震 字伯起晉江人萬曆丁未進士博極群書攻

疾歸歌咏自娛嘗於山水絲竹間矢口成篇既盲

猶能作草書問字者屢滿或時與人賭墅不差尺

寸世咸奇之 卒年八十餘

周爾發 字子祥同安人萬曆庚戌進士初令吳縣移

后爾發據禮執奏事竟寢嗣君大漸召侍湯藥偕

勳臣禮臣入直禁中奉顧命識認太子保護皇躬

時爾發方以祠司掌四司事凡大喪大慶郊祀賓

嘉及光廟擇陵燹廟擇婚諸大禮儀皆綜理無錯

及讞南理督南糧節制南軍 凡九賜金六錫命時人榮之

蔡獻臣 同安人萬曆癸丑進士授刑部時上久不視

方遷主客郎再調儀郎冬至習儀臺省爭班獻臣

力執舊典復論楚藩假子忤右宗伯意宗伯遽罷

深領之已又疏請福藩之國鄭貴妃恚甚夜發內

使執之獻臣不為屈及旦以舊典爭於上前上心

嘉其直遣出外轉參政分藩常鎮旋加湖廣臬長

有為宗伯修憾者借楚事參劾削秩罷歸百姓遮

留立祠尸祝尋起浙江海道及本省督 學天啓時推南太常為瑤所誣削其籍

蘇民 字利見以舉人授長樂令廣賊久盤據山谷中 督府欲興兵除賊詢賊所據壘民具悉以對先

時督府嘗遣一別駕偵賊被留至是命民單騎往視就中拊循賊大喜因得籍其姓名詳其要領具上督撫設計擒捕俘獲二千餘人督府下令驗實多曩所受拊循者遂力請寬釋之餘黨聞風悉散盜以平會監司嫉其功遂求免歸子琰癸丑進士授行人擢御史遇事敢言熹宗朝宗伯孫慎行追論紅丸罪株及舊輔方從哲琰力言其事屬曖昧不可藉以快牛李之私既罷歸久之復召巡按貴州安酋逆命特勅監軍以戊辰冬至黔明年師出輒敗安賊擒莫德斬邦彥黔省以寧尋謝病歸

黃克晦 字孔昭惠安人少負詩名從父客永春借書遍讀閉戶數年詩益工著有匡廬倡和集楚遊集北平藁當世稱之又精繪事寫山水蒼然不俗

諸葛應科 字彌甫晉江人喜讀離騷家貧嗜酒負氣功一日上官過應科迎之江風甚厲應科笑曰是豈可以性命博官耶歸止宿而上官忽中夜至提所備魚腊嗅之曰此鮑魚也怒去竟中左遷益府審理是時王好文學重應科請為相居無何御史

行部應科偕左相謁御史曰爾副相也有其名耳應科曰王門吏隱禮無亢亦無苛遂拂衣歸

周廷鑰 字芮公晉江人天啓乙丑進士授鎮江司李舉卓異考選吏部驗封司歷考功稽勳文選員外以題革內監冠軍及疏駁陳啓新廢科目忤上意遂議謫外廷鑰即引罪歸不出年六十卒有詩集行世

蔣孟育 同安人登萬曆己丑進士授翰林庶吉士終養補官歷國子監祭酒吏部侍郎時子履決不能補孟育相視曰吾父子何貧也卒以清節著

莊奇顯 晉江人萬曆癸丑進士殿試第二人授編修及尚書指南臨終又作絕命詞念及所生覽者無不涕下

蔡侃 字明標晉江人以儒士聯捷南宮初授計部出守撫州歷粵東督學陞滇南左布政使尋拜開府以計擒叛黨懿毋攝伊巴計等滇賴以安母老具疏終養卒

陳亮采

晉江人萬曆乙未進士歷官比部郎出守台

湖萊三郡舉卓異擢山東兵備所在廉幹有聲轉粵東參藩調登萊陞兩浙按察使以親老乞歸

廖鵬舉

字孟搏晉江人萬曆己酉舉人初令德興歷寧處同知寧郡蛟門商舶輻輳鵬舉規例一切革去庭有質斷引情剖決使自悅服民呼為外公立祠祀之碑記曰外公者外大父也能甥吾民故以是稱之時石浦諸衛劇寇豨突樓船數百鵬舉單騎慰諭賊遙見者曰廖外公來也釋甲而回寇平擢南安郡守南郡壤接長沙流賊震懼鵬舉設伏誘賊灰礮發賊不敢窺陞廣西桂林道年七十卒

於官

何燮

字中理晉江人萬曆乙卯舉人任靈川桂東令陞亳州知州亳自崇禎八年以後流寇土賊交

氛饑癘蒞至百姓十僅存一燮儲備賑饑全活甚衆甫三月而齊寇豫寇復東西至燮統兵力戰於盧家廟民殊爭死前後擒獲賊首李忠常顯吾殺之剗其腸以示衆賊潰散隨招撫李龍房應魁等

萬餘衆河西幾完未幾闖賊熾熾攻各州縣陷名城數十亳隣封甚震燮堅守孤城擐甲宵晝夜不懈及賊逼城下雲梯蟻集城陷被執賊甘言餌降燮強立不屈大罵曰吾頭可斷不可辱也賊斷其足罵益疾復割其胸旋罵旋割仰天呼太祖者三賊中亦有泣下者嘆曰好烈漢亂磔而歿懸其頭於市三日耳鼻皆動賊相顧驚愕

林鈺

龍溪人同安籍萬曆丙辰及第累官祭酒時魏瑞烜赫立祠幾遍海內一日國子生執呈至鈺

問云何對曰魏公功德巍巍宜立像請公定判鈺曰諸生宜熟思之孔聖嚴師也禮有人主北面之尊魏人臣也若益列座他日皇上入學謁奠君拜於下臣偃於上能安之乎明日稱病去懷宗即位

聞之嘆曰危行言孫君子也晉禮部侍郎東閣大學士卒於官互見漳州人物

顧斌

字質夫晉江人萬曆己酉舉人授長泰教諭陞廣東信宜令民有十異政之歌邑向轄狼兵多

侵冒斌按籍清覆編伍遂兢兢守法海賊李魁奇寇吳川當道廉斌才檄治之斌躬屬橐鞬兩次督

戰殲其先鋒賊遁去會省兵誣舟商邀功斌泣請
 當道釋活數百人攝電白化州二篆事有惠政所
 在攀輿久之遷萬州守戢峒山黎寇各相戒不敢
 犯陞蜀左長史以母老乞歸所著有信陽練兵記
蘇茂杓 字弘齊晉江人萬曆戊午舉人授封丘令值
 蝗為災捐橐設粥賑之存活無算復委攝杞縣篆
 闖賊攻汴遊騎至杞吏民驚惶欲潰茂杓厲聲曰
 吾閩義氣男子豈避賊者要與城俱碎耳日夜嚴
 守賊引去晉貳汴守署府篆賊復大舉圍汴會汴
 決賊眾乘筏蟻進茂杓度不免躍水歿

粘洪錄 晉江人萬曆戊午舉人授浦江令俄解組歸
 衣橐蕭然立講壇諸生執經甚多子本盛已
 卯舉人掌戶垣有鹽法
 鼓鑄驛傳銓政諸疏

莊際昌 晉江人萬曆己未會狀以脩撰充經筵展書
 起居注時魏璫煽虐際昌受事未數日即棄
 去乞差歸丙寅秋當復命會脩三朝要典蹙然曰
 是固欲以國史為刑書乎無何為魏璫所褫奪璫

誅起原官歷陞春坊庶子上數召對秉筆記言漏
 盡入侍幸二鼓方罷際昌赴召時途中得末疾用
 是困憊竟卒贈詹事

劉鱗長 晉江人萬曆己未進士授工部主事值臯門
 及濬湟之役時中貴浮揭白玉石工至三十
 萬鱗長以六千金竣事復以保橋運石揭至四十
 萬鱗長議從橋下棧運費可萬金大忤魏璫意遂
 削奪歸崇禎登極復原官司節慎庫一時臺省侵
 權擅行支放鱗長力折其疏為大司空張鳳翔勸
 止迨事發累鱗長同逮詔獄謫倅毘陵適大宗伯
 孫慎行倡道東南鱗長師事焉轉南戶曹旋視兩
 浙學所拔皆知名士至今人頌
 公明官終西蜀叅藩卒於官

曾化龍 晉江人萬曆己未進士累擢僉都御史巡撫
 登萊甲申闖寇陷都門土寇擁為圍膠城遂
 破高密化龍內脩戰備外却賊寇解膠州圍復高
 密城計擒偽官十六員寘之法遂散遣賊眾招携
 義勇活民命甚眾未幾
 棄官歸著易醒解行世

蘇希栻 字阜山南安人萬曆甲戌進士授許州知州

會直指指繩以拜跪禮遂拂衣歸杜門謝客郡邑廉其名終不得與交驩

范方 字介卿同安人博學善屬文天啓辛酉解元授

國學助教鬻文以自給遷戶部主事晉員外郎流賊李自成陷京師被繫不屈歿之

蔣德璟 晉江人天啓壬戌進士館選第一黃道周以

參糾楊嗣昌奪情詔逮廷杖及馬思理葉廷秀等以救道周下獄司拷問德璟力周旋之每痛朝事日非實心匡救正官惟之名分禁伐採之濫規又疏勘陵不宜多帶官兵黃冠不宜陪祝太學撤內操核要典諸大政皆關係名言尋奉旨入閣辦事時懷宗精勤宵旰漏下三四鼓屢傳宣密旨月數十次總憲劉宗周素著清操以救言官熊開元等過激致觸上怒下刑部擬罪在廷力救不能得德璟堅持不發將原旨封還舉唐太宗與魏徵君仁臣直故事伸辯得免南樞臣請糧多濫德璟覆言江南軍糧原有定額向以所解南糧一百二

十萬餘石養二十萬之軍不患不足今軍不滿八萬而糧不敷必有改折那借情弊解臣不得不任咎又力駁用鈔一事前後萬餘言至以聚斂小人責興事者既忤旨遂連章乞骸骨得請後卒於家

鄭之鉉 晉江人博通經史天啓壬戌魁南宮選庶吉

士第一授簡討纂神宗實錄時璫燄熾甚之鉉浩然而歸無何父沒之鉉哀毀支離幾無人理居家五載於後彥多所獎進旋轉官贊冊封岷藩

既竣思母馳歸病卒於莆士類惜之


林孕昌 晉江人天啓壬戌進士歷官吏部文選司忤

權輔借他事下詔獄百日事白歸家講學從游者屢滿著有易史象解廣占續小學春秋總論

世行

蘇庚新 字子白晉江人少力學有四書翼箋易經管

見行世辛酉舉於鄉就教易州負笈從學者甚衆擢連山令卒於官連人醵金護喪歸



黃景昉

晉江人天啓乙丑第進士選庶常時瑞燄熾甚御史吳裕中以言事忤瑞意杖闕下比沒

楚人無敢臨其喪者景昉割俸賻之乃假歸戊辰授翰林編脩纂脩熹宗實錄尋轉中允克日講官會召對各陳所見因奏近日考選未盡公道如推官成勇朱天麟廉能素著不獲與清華選及刑部尚書鄭三俊四朝老成一生成清德以註誤繫獄乞從寬宥後與蔣德璟同日拜相遂堅求假歸所著述甚富

黃景明

崇禎甲戌進上初授長樂令行養老式廬之禮平反誣窩邑人咸泣擢儀曹督學粵西遷

三衢道雪巨寇阻開採之役民賴以安歸卒年八十三

吳載鰲

字大車晉江人七歲受六經有神童之目性至孝待母病徹夜不解帶累月冒雷電風雨

負土葬於雜江昏夜歸有燈翼之蓋神感也天啓乙丑成進士時逆瑞煽焰有慕載鰲才名欲以鼎甲許之載鰲與同年陳天定毅然賦歸戊辰入大對任澄令忤權貴謫浙泉幕陞金華司李平反冤

獄馬文紹等九十餘人以片言止嘉湖軍旗之亂後官至兵備僉事卒於家所著有宙書咫聞十餘種

黃學元

字汝一惠安人天啓乙丑進士授靈山令以循良著聲擢禮部郎出知順慶府絕苞苴革

陋規至官九十日而卒

王忠孝

字長儒惠安人登崇禎戊辰進士授戶部主事時朝議欲輸外儲實京師忠孝督運大通

橋日三萬石命督薊儲內監鄧希詔數以難事相窘欲自置兵設餉忠孝曰升斗皆官安得餉希詔曰餉司能保無額外征耶忠孝正色曰吾戴吾頭來豈以頭易升斗哉希詔啣之遂拾其未允濕米疏上肯下逮及入獄置對抗詞無撓後獄上擬戍以甲申變故歸

諸葛羲

字基畫晉江人萬曆丙子舉人益府長史世有孝德祖沒羲年十餘歲哀號毀瘠不異老

成母素患心疾羲曉夜撫摩母稍假寐則悲顙中庭願減歲以代崇禎戊辰成進士備兵東兗時寇

氛方熾山東大震以勞瘁成疾卒

莊鰲獻 字任公晉江人崇禎辛未進士授庶吉士改兵科給事中上太平十二策首格君心開言

路終以折獄用刑謂中州為形勢之區今秦晉蠢動以此為淵藪是必有跋扈之雄將以釀亂者及

今不剗禍將靡極又謂番甲之設本以緝奸盜非以網緝紳中使非有龍韜豹畧何故委以監紀重

任語多激切疏入謫杭州遂拂衣歸黃道周贈詩云當年稽首十二策我遠不及莊任公

賴垓 德化人崇禎戊辰進士由平湖令召對稱旨擢翰林檢討歷轉右春坊以才名稱尋以養親乞歸

陳洪謐 字默菴晉江人崇禎辛未進士授戶部主事管北新鈔關常例悉擲去掌南京水兌衛軍

仰給漕糧剔弊稽實商民祠而祝焉遷員外郎出守蕪州蕪賦役煩劇洪謐一釐宿弊蕪人歲免數

千金時羽書交馳洪謐鞭答不用終歲不羈一人時稱慈母

林必祐 字可庇晉江人為諸生有聲品行端莊不苟取與丙戌後絕意進取以詩文自娛居家憤

鬱偶為友人招遊伊洛因得徧觀古蹟名勝輒題咏見志

陳顯謨 字龍見晉江諸生慷慨負大節甲申聞李寇陷都門顯謨思以身殉具衣冠伏謁廟解所

繫繚自縊明倫堂鐘架郡學博急解其繚移時息始續顯謨裂眦言曰吾之為此者以大義莫可逃

於天地間耳今救某是不欲成某之志也天耶遂杜門不出


蔡鼎 字無能晉江人諸生精星緯言屢奇驗從樞輔孫承宗行邊所至山川形勢咸筆於書尤熟邊

事甲申之變知國家有大故預指時日不爽著有易蔡萬遠堂集居海濱以逸民終

謝有大 字受謙晉江人崇禎癸酉舉人為偃師令吏有侵民一錢者必寘之法以忤上官歸足跡

不入市性孝友年九十一卒

黃道臬 字明汝晉江人崇禎癸未捷南宮甲申闖賊陷京得脫歸隱城南總督陳錦疏薦辭不赴



慕梅子真之為人因發狂疾或引錐自刺嘗一日自投於百源川家人莫知行道救之遂閉戶謝客
卒年七十九

陳鍾璵 字石丈晉江人善古文詞詩歌屢試諸生不售為學使者葛寅亮所知璵遊浙中卒於其家寅亮為經紀其喪著有密庵初集定山集霞圃集紫塔詩集行世

吳逢翔 字田年崇禎戊辰進士授歸善縣歷陞刑部清吏司員外出知金華府汀人種藍金華與浙人交訟捕之急遂集藍客為亂當事移師欲勦之逢翔躬馳至賊壘諭以禍福賊叩頭出迎逢翔請於當事籍聚亂者四千餘人悉貸之遷叅政遂告歸年八十卒

王龍震 字長甫崇禎戊辰進士授吉水令擢雲南道御史勅督饑山西以復命薦舉忤權貴竟外轉處州僉事民立郤金館祀之舉卓異告老歸年七十卒

富明新 晉江人崇禎癸酉舉人授南靖學奉父可濟迎養署中諸士有慕其父至者明新為設食

侍坐終日無怠容計偕歸途聞父計徒跣兩晝夜二百里奔喪水漿不入口者累日服闋補順昌諭秩滿遷刑部司務尋改吏部歸

蔡道憲 字元白晉江人崇禎丁丑進士授滇南司李丁父憂改補長沙值流賊東下檄書兩集癸未五月賊陷武昌七月陷岳州遂逼長沙道憲下令聽民挈家去左右廝役亦聽自便獨尹先民將

三千人不動道憲義之盡以其眾置城上賊眾數十萬併力出其攻具會先民被創不能戰賊圍急晝夜為地道穿城城陷被執賊聞道憲至下堂親解其縛明日眾擁先民來道憲曰汝忘江上誓師時耶先民曰豈敢忘之尚有所欲言道憲怒踢其齒流血眾乃掖先民起先民哭曰吾豈負蔡公者

吾將必死也於是眾復以道憲見道憲極口罵曰皆盡裂賊知終不可屈乃剛之道憲臨剛時揚眉清婉笑語若平生賊眾環視無不咬牙股栗淚淋

淋下死年二十九初衙卒林國俊李師孔陳賢等九人侍立道憲不去賊執諭降國俊曰主可降不

有今日日不降爾願同死耶俊曰吾願生亦不有
富書題示 卷之四十一 人物 五三

今日賊遂殺九人自一至五皆延頸受刃四卒忽奮然曰願葬王而後死賊義之於是四人解衣裹道憲體血肉狼藉點血在地皆拭之相與埋於南城外醴陵被葬畢俱自經死賊乃併葬九人於墳側先民哭不食與其三僕亦就戮死

曾異撰 字弗人晉江人寓福州之候官少孤事母至孝能古文詞著有勸授堂集崇禎己卯領鄉薦癸未北

歸卒於家

吳韓起 字宣伯晉江人崇禎庚辰進士為文古雅清折海內稱為青嶽先生初授當塗令有惠政

陸禮部卒於官著有四書易經說行世

郭符甲 晉江人崇禎癸未進士甲申後建寧兵變符甲身被數鎗絕粒不死抵永春上塲自經死

有義巧負其髮齒頭顱瘞於山麓

蔡肱明 號靖公晉江人崇禎庚辰進士以召對稱旨擢兵部職方陞四川威茂道未幾甲申變作

人心解體有奸猾擁眾逼肱明解印納款肱明以頭觸柱血注地瞋目罵曰吾死則死耳豈為汝不義屈眾方解散肱明移檄松藩副總兵朱化龍救援與蜀人軟血而誓方列陣化龍稍却肱明厲聲曰丈夫死則死耳何却為俄化龍請肱明計事肱明偕一胞兄往化龍以劍砍案大呼曰汝書生何能為能從我乎不然齒此劍肱明厲聲曰反賊我死則死耳遂與胞兄俱遇害一家三十二人同日死而

張朝經 字青武晉江人崇禎庚辰進士授職方主事抗疏清核京衛冒糧十餘萬陞郎中轉江西

湖西道時郡北有天井窩強賊盤踞民遭荼毒歷任監司勦撫兩困朝經單騎抵穴開諭盜盡解甲陞雲南督學民為之攀輿因留任尋撫虔州後歸以病卒

盧若騰 字牧洲同安人崇禎庚辰進士御試召對稱旨授兵部主事時閣臣楊嗣昌督師湖廣好

作佛事祈福若騰疏叅嗣昌不能討賊止圖佞佛上以新進小生妄詆元輔嚴旨切責時論壯之後

歸隱海濱卒同時有沈佺期許吉燦俱歿未進士高尚不出以勵節終

李光龍 安溪人工詩文登崇禎癸未進士甲申之變歸與仙釋輩往來山水間豫治窀穸令知交

為誌銘曰吾先以一片石累故人所著有閩山集

國朝

洪承疇 字彥演南安人明萬曆進士歷官三邊總制歸命本朝值闖賊陷京承疇從大兵定燕

師下江南孫可望等據湖南承疇以閣部經畧五省事分設兩鎮相為犄角常德告警提長沙兵破

之因疏雲貴可取狀三道會師入貴州定其地再舉入雲南李定國等迎戰大破之遂乞休還京論

功授三等阿達哈哈番子士銘進士歷官太常卿

楊于先 字野若明季會試中式國朝順治壬辰殿試進士初李衡州以誥誤鐫職改補常德有

巨盜夤緣當道獄久不決于先據法力爭竟如所請尋卒於官

黃熙孕 字維敬明崇禎進士順治初擢御史歷兵部侍郎持節從貝勒王招撫福建熙孕啓王廣

布德意入閩市肆不驚回京晉刑部年七十八沒於家

黃徽孕 字言臣明崇禎進士順治初擢御史出按山右時遇闖寇餘孽以二百餘騎殲其巨魁所得輜重悉酬將士尋陞太僕

卿歷至左司馬隨乞休卒

吳愈聖 字用退晉江人順治壬辰進士歷官戶部郎有聲改禮科給事中侃侃多建白時閩鹽綱

利為害愈聖具疏特奏蠲政以平又計偕者多以權累阻入闈愈聖疏辨得白士林賴之以假歸卒

黃熙纘 字傲庵晉江人順治甲午舉人授安慶推官以守城功擢諫垣賜襲三等阿達哈哈番卒

於京

林象祖 字媿蓼晉江人康熙甲辰進士知常熟縣歷八年以卓異擢諫垣赴京卒

李喬鍾 字彭又德化人雲階子順治戊子賊屯瓊山夜盜雲階柩質金喬鍾中夜挺身就賊以死

求贖賊義之令護樞歸
庚子以明經赴試卒

黃志遴 字銓士熙 孕子甲申間南北道路梗塞志遴
以父在京間闕入侍順治丙戌成進士選庶

常陞編修累官至侍讀學士晉少詹事出為湖廣
左布政使時值經畧洪承疇督兵定雲貴師旅雲
集軍需糧儲志遴咄嗟立應督撫
交薦卓異以丁內艱歸未幾病沒

王命岳 字伯容 晉江人為人慷慨負氣節順治乙未
進士授翰林庶吉士改工科歷戶兵二科所

條上吏治樞政漕弊興屯救荒及密陳靖海疏皆
軍國大計辛丑出使歸遷刑科都給事中尋以抗
言坐謫丁未夏旱災 詔求言命岳自傷棄置不
獲直陳闕下乃手晰地方利害具藁諷有心者入
告中懷拂鬱
嘔血而沒

黃中通 字睿夫 晉江人順治進士隨征粵西授太平
知府調補永州永為滇黔門戶中通措餉給

軍當事賴之歷貴州左布政使黔久亂盡灰其籍
中通準定賦役成書公私咸便是秋大兵渡瀘米
價湧騰中通請以倉儲與民
和糴遷粵西按察使卒於官

陳龍巖 字元瞻 惠安人初授石阡節推歷思南知府
以母艱歸服闋補江寧江寧為東南重地龍

巖抵任滌夙弊革陋規一切苞苴餽遺悉擯絕事
無巨細咸出手裁民方翹翹望治俄卒間閩咨嗟
不已羣相設奠號泣櫬歸日爭豎旛投櫃賻送
人以不及入錢為恥父老環集水西門攀舟嘗事
特疏於
朝



福建通志卷之四十六終

